

**Akinafarir Pol Romın Nguibar  
Ekiamın Itir Sios Bagha  
Osirizim  
O  
Rom  
Akar faragha zuim**

Pol kamaghın ifonge, a mangıva Romın nguibar ekiamın itir Kraisin adarazir ganasa. Kamaghın amizi, an akınafarir kam osiri. A ghaze, a dughiar otevimin me ko ikegh, gın mangı kantri Spenin Akar Aghuim akunam. Akınafarir kamın, Pol bar deraghvıra bigha Iesusin Akar Aghuimin gun me miğia, egha Iesusin gın zuir gumazamizibar ikirimirimın gun me miğei.

Pol faragha Romın itir Kraisin adarazi miğia ghaze, a zurara God ko miğiava, men akurvaghasa Godın azangısı. Egha gın an akınafarir kamın akar mingarim abigha ghaze, “Nighnızir gavgavimın tuavimra e Godın damazimın gumazamizir aghuibar otivigham.” (1:17) Pol kamaghın miğia ghaze, gumazamiziba bar, me Judan adarasi o Kantrin Igharazibar Gumazamiziba, me bar arazir kurabagh ami. Kamaghın amizi, God men apangkuvigh ua me iniam. Gumazamizir nighnızir gavgavim Kraıs Iesusin itiba, God uam me inightı, me Godın namakabar otogh Kraıs Iesusin aveghbuabar ikiam.

Kamaghın amizi God ua gumazitam o amizitam inightı, a ikirimirim igiam ikiam. Ezi God a ko

itima, Godin Duam a gizifa. Kamaghin, ovevem ko arazir kuram ua a dikabiniva a gativaghamin gavgaviba puvati. Sapta 5, 6, 7, ko 8, Pol Godin Arazibar mingarim miyiava, Godin Duamin gavgavim miyei. Pol ghaze, Godin Duam, gumazamizir nighnizir gavgavim Iesusin itibar aven ikia, egha men ikirimiribar aven ingari.

Sapta 9, 10 ko 11, Pol uan osimtizir ekiar mamın gun miyei. Pol uabi Judabar gumazir mam. Kar gumazamizir God fomira ua baghavira miseveziba. Ezi Judan avirir ekiam, me akirim ragha Iesus gasara. Ezi Kantrin Igharazibar Gumazamizir aviriba, me Iesusin suren gumazamizibar otifi. Ezi Judaba puvati. Ezi Pol kamaghin miyei, arazir kurar kam, kar me uari men osimtizim. Me bizir ekiar God me bagh damuasa ifongezir kam me deragha a ginighnizir puvati. Ezi Polin nighnizim, gin Judan gumazamizitaba uaghan Iesusin adarazir aven izam.

Ezi Polin akinafarimin akar abuananaba, sapta 12, 13, 14, 15, ko 16, Pol Kraisin adarazi gin mangamin arazibav gei. A igharaz darazigh ifongezir arazimin migirigiar aviribagh ami. Egha a uaghan Godin ingangarim damuamin arazim miyiava, gavmanin apengan ikiamin arazim miyiava, igharaz darazir akurvaghamin arazim miyei.

## **E nighnizir gavgavim Kraisin ikia tuavir kamın, e Godin damazimin dera**

*(Sapta 1--4)*

*Pol uan aposelin ingangarimın gun miği*

<sup>1</sup> Ki Pol, ki ia bagha akinafarir kam osiri. Ki Krai Iesusın ingangarir gumazir mam. Krai Iesus nan diagha ghaze, ni Godın aposelin otogham. Egha a na misevegha Akar Aghuim akunamin ingangarim na ganıngi.

<sup>2</sup> Faraghavıra God akam akira ghaze, akar aghuir kam otogham. Egha akar kam inigha, an akam inigha izir gumazibav keme. Ezi me akar kam osirizi a Godın Akinafarimın iti. <sup>3</sup> Akar aghuir kam a Godın Otarimın gun miği. Otarir kam, a gumazamizibar mın otogha, kamaghın a Atrivim Devitın ikizimın iti. <sup>4</sup> Egha Godın Duamın gavgavimın tuavimın, God a gamizi a ua dikavigha kamaghın en aka, a gavgavim itir Godın Otarim: A Krai Iesus, en Ekiam. <sup>5</sup> God kamaghın ifonge, Kantrin Igharazibar Gumazamizir maba, niğhnizir gavgavim Iesusın ikıva an akamın gın mangam. Kamaghın God, Krai Iesusın ingangarimın tuavimra, a en apangkufi. Egha God, Krai bagha, aposelin ingangarim damuasa e ati. <sup>6</sup> Ezi ia uaghan, Krai Iesus ian diagha ghaze, ia nan adarasi, ezi ia an gın zui. Egha ia Iesusın aven itir marasi.

---

**1:1:** Ap 9:15, 13:2, 22:21, 1 Ko 1:1, Ga 1:15    **1:1:** Aposel 9:15; 13:2; 22:21; 1 Korin 1:1; Galesia 1:15    **1:2:** Ap 26:6, Ro 3:21, 16:25-26, Ga 3:8, Ta 1:2    **1:2:** Aposel 26:6; Rom 3:21; 16:25-26; Galesia 3:8; Taitus 1:2    **1:3:** Mt 22:42, Lu 1:32, Jo 1:14, Ap 2:30, Ro 9:5, Ga 4:4, 2 Ti 2:8    **1:3:** Matyu 22:42; Luk 1:32; Jon 1:14; Aposel 2:30; Rom 9:5; Galesia 4:4; 2 Timoti 2:8    **1:4:** Ap 13:33, Hi 9:14    **1:4:** Aposel 13:33; Hibru 9:14    **1:5:** Ap 26:16-18, Ro 12:3, 15:18, 1 Ko 15:10, Ga 2:7-9, Ef 3:8    **1:5:** Aposel 26:16-18; Rom 12:3; 15:18; 1 Korin 15:10; Galesia 2:7-9; Efesus 3:8

<sup>7</sup> God ia gifongegha ian diagha ghaze, ia nan adarasi, egh na baghvira iki. Ezi ki akinafarir kam ia Romin nguibar ekiamin itir gumazamiziba bagha an osiri.

Egha ki ghaze, en Afeziam God ko en Ekiam Kraiſ Ieſus, aning ian apangkuvighiva navir amirizim ia daningam.

*Pol Romin nguibar ekiamin mangasa bar ifonge*

<sup>8</sup> Ki faragh kamaghin ia mikimasa. Nguazir kamın nguibaba bar dar itir gumazamiziba, me ian nighnizir gavgavimın eghaghanim barasi. Ezi Kraiſ Ieſus na gamima, ki bar moghira ia bagha God minabi. <sup>9-10</sup> Ki bar God bagha pamten ingara, egha uan gavgavim sara ingari, egha an Otarimın Akar Aghuim akuri. God nan gara na gifo, ki ia ginighnighavira iti. Ki God ko migia zurara kamaghin an azai, a ifueghiva, a uabi na bagh tuavitam atighti, ki ia bagh iziva ian ganam.

<sup>11</sup> Ki kamagsua, ki ia damuti, Godin Duam amir ingangarir aghuiba, ian ikiam, eghti ian duaba gavgavigham. Kamaghin amizi, ki ian ganasa bar ifonge. <sup>12</sup> Nan nighnizim kamakin, e uarira uarir akurvaghām. Ian nighnizir gavgavim nan akurvaghti, nan nighnizir gavgavim ian akurvaghām.

<sup>13</sup> Nan adarasi, ia kamaghin fogh, ki dughiar

---

**1:7:** Nam 6:25-26, 1 Ko 1:2-3, 2 Ko 1:1, Ga 1:3, Ef 1:2, 1 Te 4:7  
**1:7:** Diboboniba 6:25-26; 1 Korin 1:2-3; 2 Korin 1:1; Galesia 1:3; Efesus 1:2; 1 Tesalonika 4:7      **1:8:** Fl 1:3, Kl 1:3-4, 1 Te 1:2, 1:8  
**1:8:** Filipai 1:3; Kolosi 1:3-4; 1 Tesalonika 1:2; 1:8      **1:9-10:** Aposel 19:21; Rom 15:23; 15:32; 2 Korin 1:23; Efesus 1:16; Filipai 1:8; 1 Tesalonika 2:5; 2:10; 3:10; 2 Timoti 1:3; Jems 4:15      **1:13:** Jo 15:15-16, Ap 19:21, Ro 15:23, 16:7, Fl 4:17      **1:13:** Jon 15:15-16; Aposel 19:21; Rom 15:23; 16:7; Filipai 4:17

aviribar izi ian ganasava amima, bizir aviriba otiva nan tuavim apirima, kamaghin ki izir puvati. Ki Kantrin Igharazibar Gumazamizibar tongin ingarizi, men aviriba navibagh ira. Kamaghira, ki ian tongin ingarti, ian gumazamizir aviriba navibagh iragham. <sup>14</sup> God Grighba ko gumazamizir Grighin aven itir puvatizibar akurvaghasa ingangarim na ganingi. Fofozir gumazamiziba ko, fofoziba puvatizir gumazamiziba me uakan. Kamaghin, ki gumazamiziba me ikarvaghamin osimtizim ateriva, ingangarir kam damuam. <sup>15</sup> Kamaghin amizi ia Romin itir gumazamiziba, ki Akar Aghuim uaghan ia mikinasa, nan navim dikafi.

*Godin gavgavim, an an Akar Aghuimin aven iti*

<sup>16</sup> Ki fo, Godin gavgavim an Akar Aghuimin aven iti. Gavgavir kam gumazir nighnizir gavgavir an itiba bar men akurvagham. A faragh Judabar akurvagh, egh uaghan Kantrin Igharazibar Gumazamizibar akurvagham. Kamaghin amizi, ki Akar Aghuim akunasa aghumsizir puvati. <sup>17</sup> Akar Aghuir kam, an arazir aghuir God amizir kamın e dipon suam, e an damazimin dera. Ezi nighnizir gavgavimin tuavimra e an damazimin gumazamizir aghuibar otogham. Mati akam Godin Akinafarimin iti, “Gumazamizir nighnizir gavgavim an itiba, God me mikim suam, me nan

---

**1:16:** Sng 119:46, Mk 8:38, Ap 3:26, 13:46, 1 Ko 1:18-24, 2 Ti 1:8

**1:16:** Onger Akaba 119:46; Mak 8:38; Aposel 3:26; 13:46; 1 Korin 1:18-24; 2 Timoti 1:8      **1:17:** Hab 2:4, Jo 3:36, Ro 3:21-22, Ga 3:11, Hi 10:38      **1:17:** Habakuk 2:4; Jon 3:36; Rom 3:21-22; Galesia 3:11; Hibru 10:38

damazimîn dera, eghti gumazamizir kaba zurara deraghvira ikiam.”

*Gumazamiziba bar akirim God gasara*

<sup>18</sup> E fo, God uan Nguibamîn ikia uan aningagharim azenimra aneka. A gumazamizir akirim a gasaragha arazir kurabagh amiba, ivezir kuram me daningam. Men arazir kurar kam guizîn akam abiri. <sup>19</sup> God gumazamizir kaba uabi deravira men akazi, me an arazir aviribagh fo. Me guizbangira fo, egha me akirim God gasara, kamaghîn amizi, God ivezir kuram me ganidi. <sup>20</sup> God nguazimîn biziba bar dar ingarizir dughiamîn ikegha, iza datirighîn gumazamiziba bar a ingarizir bizibar gani. Tuavir kamîn, gumazamiziba Godin arazir mogomer maba deravira dagh fogham. Egha me an arazir aghuibar mingarim ko an gavgavir bar ekiar zurara itim gifos. Kamaghîn amizi, gumazitam o amizitam kamaghîn mikiman kogh suam, “Ki God gifozir puvati, egha ki osimtiziba puvati.” Ti puvatigham!

<sup>21</sup> Me God gifogha kamaghîn nighnizir puvati, “A guizbangira God.” Egha an ziam fan aghua. Egha a minabir pu. Puvati. Men nighniziba onganizi moghîn itima, me fofozir aghuiba puvatizi, mitatem men nighniziba avaragha dagh izifa. <sup>22</sup>

---

**1:18:** Ap 17:30, Ef 5:6, Kl 3:6, 2 Te 2:12      **1:18:** Aposel 17:30; Efesus 5:6; Kolosi 3:6; 2 Tesalonika 2:12      **1:19:** Jo 1:9, Ap 14:15-17, 17:24-28      **1:19:** Jon 1:9; Aposel 14:15-17; 17:24-28      **1:20:** Jop 12:7-9, Sng 19:1, Ap 14:17, 17:27, Hi 11:3      **1:20:** Jop 12:7-9; Onger Akaba 19:1; Aposel 14:17; 17:27; Hibu 11:3      **1:21:** Jer 2:5, Ef 4:17-18      **1:21:** Jeremaia 2:5; Efesus 4:17-18      **1:22:** Jer 10:14, 1 Ko 1:20

Me ghaze, me fofozir aghuim iti. Me guizbangira puvatigha, ongani. <sup>23</sup> Me Godin zurara itim akirim a gasara, egha an ziam fer pu. Puvati. Me aremeghamin gumazamizibar min gara, marvir guaba ko, kuaraziba ko, asiziba ko, kuruziba ko, ipebar marvir guabar ingara, egha da isa dar ziaba fe.

*Gumazamiziba arazir kurar igharagha garir aviribagh ami*

<sup>24</sup> Gumazamiziba God akirim a gasara, ezi bizir kam bangin a me ataghizima men naviba ifongezir arazir kuraba me dikavima, me arazir bar kurar aghumsiziba itibar uari gami. <sup>25</sup> Kamaghin amir gumazamiziba, me Godin guizin akamin gin mangan firin, akar ifavarimin aneti. Me biziba bar adar ingarizir Godin kamnangin ziam fan aghuagha, uam akirim ragha a gasara. Egha a ingarizir bizibar ziaba fava da bagha ingari. God a biziba bar dar mingarim, kamaghin e zurazurara an ziam fi mamaghira ikiam! Guizbangira!

<sup>26</sup> Me God akirim a gasara, kamaghin God akirim ragha me gasaragha me ataghizi, me uan aghumsizim itir arazir kurabagh ami. Ezi

---

**1:22:** Jeremaia 10:14; 1 Korin 1:20    **1:23:** Lo 4:16-18, Sng 106:20, Jer 2:11, Ese 8:10, Ap 17:29    **1:23:** Godin Araziba 4:16-18; Onger Akaba 106:20; Jeremaia 2:11; Esekiel 8:10; Aposel 17:29    **1:24:** Ap 7:42, 14:16, 1 Ko 6:18, Ef 4:18, 1 Te 4:4    **1:24:** Aposel 7:42; 14:16; 1 Korin 6:18; Efesus 4:18; 1 Tesalonika 4:4    **1:25:** Ais 44:20, Jer 13:25, 16:19, Amo 2:4, Ro 9:5, 1 Te 1:9, 1 Jo 5:20    **1:25:** Aisaia 44:20; Jeremaia 13:25; 16:19; Amos 2:4; Rom 9:5; 1 Tesalonika 1:9; 1 Jon 5:20    **1:26:** Wkp 18:22-23, Ef 5:12    **1:26:** Ofa Gami 18:22-23; Efesus 5:12

men amuiba poroghamibar arazir aghuim ategha arazir kuraba amizir igharaziba ko uari gami.

<sup>27</sup> Kamaghira, gumaziba poroghamibar arazir aghuim ategha naviba me dikava mati avim men isima, me arazir kuraba gumazir igharaziba ko uari gami. Gumaziba aghumsizir araziba uarira uari gami, egh bizir kamın me uarira uan arazir kurabar ivezir kuram iniam.

<sup>28</sup> Me Godın guızın fofozim suiragh a gıñighnıghan aghua, kamaghın God me ataghizi, me uan ñıghnızir kurar mızırızibar gın ghua arazir bar kurar e damuan koghamibagh amua, ñıghnıziba bar ikufi. <sup>29</sup> Me arazir kurar avırır kabagh ami: men araziba bar ikuvigha, munavın bizim bagha navim dikafi, egha uarir apanim gamigha, bizir avırıba itir gumazamiziba bagha navim ikufi, egha gumazamizibav sozima da ariaghiri, egha biziba bagha uarir atara uari abısi, egha gumazamizibagh ifari. Egha gumazamiziba paza me damuasa ñıghnısi, egha gırakırangın mıgırıgıar kurabar gumazamizibagh ami. <sup>30</sup> Egha mıgırıgıar ifavarır gumazamizir igharazibar zıabagh asıghasızibagh ami. Egha Godın apanim gamua, egha tiraghtirazir arazim gamua, egha uan navır averıabar aven ghaze erara e bar dera, egha me uari uan zıaba fe. Egha me uari arazir kurar igıar mabagh ami da otifi. Egha me uan afeziaba ko amebabar akaba batosi. <sup>31</sup> Me ñıghnızir aghuıba puvati. Egha me uari uan akar dıkırızıbar gın zuir puvati. Egha me ıgharaz darazir akurvaghan aghuagha, men

---

**1:27:** Wkp 18:22, 20:13, 1 Ko 6:9      **1:27:** Ofa Gami 18:22; 20:13; 1 Korin 6:9



apangkuvir puvati. <sup>32</sup> Me fo, Godin Akınafarımın itir Akar Gavgavim kamaghın miğia ghaze, “Gumazamizir kamaghın amiba, me izevir kuram inigh arımighiregham.” Gumazamizir kaba Godin Akar Gavgavim gıfogha, me a batogha arazir kurar aviribagh ami. Egha uaghan me arazir kurar kabarama amir pu. Puvati. Me arazir kurar kabagh amir gumazamizir igharazibar ziaba fe.

## 2

*God gumazamizibar araziba tuisizir arazim, a guizbangıra ghua bar dera*

<sup>1</sup> Kamaghın amizi, ia akaba igharaz darazi gasir gumazamiziba, ki vaghvagh kamaghın ia mikimasa, ni kamaghın nighnighan marki suam, ki uabi osimtiziba nan puvati. Ia orakigh, ni akam igharazitav gasi, egha ni uabi arazir me amiba ni uaghan dagh ami, kar ni akam uaghan uabi gasi. <sup>2</sup> E fo, God, gumazamizir arazir kurar kabagh amiba, men araziba tuisigha izevir kuram me ganıdi, arazir God amir kam a bar guizbangıra ghua bar dera. <sup>3</sup> Ia arazir kabagh amir gumazamiziba akam me gasa, egha ia uari arazir kaba uaghan me ko dagh ami. Ni ghaze, God ti akam ni gasan kogham? Bar puvati! <sup>4</sup> Manmaghın amizi God arazir aghuibar ni gamua, egha dughiar ruarımın ni mızua ikia, nin arazir kuram bagha izevir kuram zuamıra ni ganingizir

---

**1:32:** Sng 50:18, Hos 7:3, Ro 2:2, 6:21    **1:32:** Onger Akaba 50:18; Hosea 7:3; Rom 2:2; 6:21    **2:1:** Mt 7:1, Lu 6:37, Jo 8:7-9, Ro 1:20

**2:1:** Matyu 7:1; Luk 6:37; Jon 8:7-9; Rom 1:20    **2:4:** Ais 30:18, Ro 3:25, Ef 1:7, 2:9, 2 Pi 3:9, 3:15    **2:4:** Aisaia 30:18; Rom 3:25; Efesus 1:7; 2:9; 2 Pita 3:9; 3:15

puvati. Godin arazir aghuarir kam, ni ti an garima a ti pura bizim? Ni uan navim giraghasa God ifuegha arazir aghuimin ni gami. Ni foz, o?

<sup>5</sup> Ni uan navimin suiragha gavgavigha uan navim gighasa nighnizir puvati. Egha arazir kamın ni uabi izevir bar ekiam kuram uabi garisi.

<sup>6</sup> God gumazamiziba amizir araziba bagh ivezim vaghvagh me daningam.

<sup>7</sup> Gumazamizir maba arazir aghuiba bagha gavgavigha dar gin ghua, God ko dabirabir aghuim, ko ziar ekiam, ko ikirimirir ikuvighan koghamim, da iniasa tu-avim buri. God ikirimirir zurazurara itim gumazamizir kabar aningam.

<sup>8</sup> Ezi gumazamizir maba uarira uari ginighnigha, guizin akam akirim ragh a gasaragha arazir kurabar gin zui. Eghti God uan aningagharim isi gumazamizir kabagh ingeghiva ivevir bar kuram me daningam.

<sup>9</sup> Osimtizir ekiam ko mizazir kuram gumazamizir arazir kurabagh amiba batogham. Judaba faraghtima Kantrin Igharazibar Gumazamiziba gin.

<sup>10</sup> Eghti God dabirabir aghuim ko ziar ekiam ko navir amirizim isi gumazamizir arazir aghuibagh amibar aningam. Judaba faraghti Kantrin Igharazibar Gumazamiziba gin.

---

**2:6:** Sng 62:12, Snd 24:12, Mt 16:27, Jo 5:29, 1 Ko 3:8, 2 Ko 5:10, MAA 22:12

**2:6:** Onger Akaba 62:12; Aghuzir Akaba 24:12; Matyu 16:27; Jon 5:29; 1 Korin 3:8; 2 Korin 5:10; Akar Mogomem 22:12

**2:8:** Ro 1:18, 2 Te 1:8

**2:8:** Rom 1:18; 2 Tesalonika 1:8

**2:9:** Amo 3:2, Lu 12:47-48, Ro 1:16, 1 Pi 4:17

**2:9:** Amos 3:2; Luk 12:47-48; Rom 1:16; 1 Pita 4:17

**2:11:** Lo 10:17, 2 Sto 19:7, Jop 34:19, Ap 10:34, Ga 2:6, Ef 6:9, Kl 3:25, 1 Pi 1:17

**2:11:** Godin Araziba 10:17; 2 Eghaghaniba 19:7; Jop 34:19; Aposel 10:34; Galesia 2:6; Efesus 6:9; Kolosi 3:25; 1 Pita 1:17

ikizitam uabin toroghan kogh, egh bar deravira gumazamizibar araziba tuisigham.

<sup>12</sup> Kantrin Igharazibar Gumazamiziba, Moses Osirizir Araziba men puvati. Egha arazir kuram gamigha, Moses Osirizir Arazibar saghon ikia me ovenge. Ezi Judaba Moses Osirizir Araziba ikia dagh fo. Egha arazir kuram gamizi, God men gara Moses Osirizir Arazibar aven itir akamin gin ghua men araziba tuisisi. <sup>13</sup> E fo, gumazitam o amizitam Moses Osirizir Araziba pura da baragha, Godin damazimin derazir pu. Puvati. Gumazamizir Moses Osirizir Arazibar gin zuibara, God me migia ghaze, me an damazimin dera. <sup>14</sup> Kantrin Igharazibar Gumazamiziba, me Moses Osirizir Araziba puvati. Egha men marazi uan nighnizimra arazir aghuibar gin zui, ezi arazir kaba Moses Osirizir Araziba mirara zui. Me Moses Osirizir Araziba puvati, egha dar aven itir arazir aghuibar gin zui. Arazir kam kamaghin en aka, arazir aghuiba men nighnizimin iti me fo, me manmaghin damuam. <sup>15</sup> Me amir arazir kamın e fo, God Moses Osirizir Arazibar akam men navir averiabar an osirizima an azenim giri. Dughiar maba men nighnizimra akam me gasi; egha dughiar maba men nighnizim ghaze, ia deraviram ami. Kamaghin amizi, nighnizir men navir averiabar aven itir kam uaghan kamaghin en aka, Moses Osirizir Araziba guizbangira men navir averiabar aven iti. <sup>16</sup> Kamaghin amizi, Akar

---

**2:13:** Mt 7:21, Je 1:22-25, 1 Jo 3:7      **2:13:** Matyu 7:21; Jems 1:22-25; 1 Jon 3:7      **2:14:** Ap 10:35      **2:14:** Aposel 10:35      **2:15:** Matyu 25:31; Aposel 10:42; 1 Timoti 1:11; 2 Timoti 2:8; 4:1; 4:8

Aghuir ki kurim kamaghin migei, God gumazamiziba bar men navir averiabar itir nighnizir mogomeba tuisighamin dughiam, gumazamizir kabar nighnizibara arazir kurar me amiziba bagh men araziba tuisigham. God gumazamizibar araziba bagh me tuisighamin ingangarim isava, Krais Iesusin dafarim gati.

*Judaba ghaze, Moses Osirizir Araziba men akurvasi*

<sup>17</sup> Ezi datirighin ia manmaghin ami? Ia ghaze, erara e Judaba; e Moses Osirizir Arazibagh isin tu. Egha ia uari fa ghaze, e Godin adarasi, erara God uabin toro. <sup>18</sup> Kamaghin ia God ifongezir arazibagh fo. Moses Osirizir Araziba ian sure gami, ezi ia fo, arazir manaba dera, o da ikufi. <sup>19-20</sup> Ia kamaghin nighnisi, Moses Osirizir Araziba fofozimin mingarir aghuim ko guizin akaba bar e ganingi. Kamaghin ia ghaze, e gumazamizir damazir okaviriziba tuavim men akakasi. Egha mitatemin itir gumazamiziba, angazangarim men akakasi. Egha gumazamizir onganiba fofozim me ganiga, borir dozibar sure gami. <sup>21</sup> Guizbangira, ia marazir sure gami. Egha manmaghsua ia uari sure damuan aghua? Ia kamaghin akam akuri, biziba okiman marki. Egha iarara biziba okei. <sup>22</sup> Ia ghaze, poroghamiba uari isi arazir kurabar amuan marki. Egha ia uaghan kamaghin

---

**2:17:** Ais 45:25, Jo 8:33, 2 Ko 11:22, Je 2:19    **2:17:** Aisaia 45:25; Jon 8:33; 2 Korin 11:22    **2:19-20:** Mt 15:14, 23:16-19, Lu 18:9, Jo 9:34, 9:40, Ro 6:17, 2 Ti 1:13, 3:5, 3:15    **2:19-20:** Matyu 15:14; 23:16-19; Luk 18:9; Jon 9:40; Rom 6:17; 2 Timoti 3:5; 3:15    **2:21:** Sng 50:16-21, Mt 23:3-4    **2:21:** Onger Akaba 50:16-21; Matyu 23:3-4

ami. Ia ghaze, e asebar marvir guaba, bar dar aghua. Egha manmaghsua dar dipenibar ghua, marvir guaba okei. <sup>23</sup> Ia uarira uan ziaba fa ghaze, “E Moses Osirizir Araziba iti.” Egha ia dar gın mangan aghua. Egha arazir kamın ia Godın ziam gasıghası. <sup>24</sup> Ia fo, Godın Akınafarım bizir kamın miğirigiam iti, “Ia Judaba, ian arazir kuraba bangın, Kantrin Igharazibar Gumazamiziba Godın ziam gasıghası.”

*Guizın mikarzir mogomer dıghorımın arazim*

<sup>25</sup> Ia guizbangıra Moses Osirizir Arazibar gın mangiti, ian arazir mikarzir mogomemın inim aghorım a dera. Egh ia Moses Osirizir Arazibar gın mangan koghti, ian mikarzir mogomemın inim aghorir arazim pura bizimın oto. <sup>26</sup> Eghti Kantrin Igharazımın Gumazitam, a mikarzir mogomemın inim atuzir puvatızir gumazim, Moses Osirizir Araziba bar dar gın mangiti, God an ganigh mikim suam, a mati gumazir me mikarzir mogomer inim atuzim. <sup>27</sup> Ia Judaba guizbangıra Moses Osirizir Arazibar akınafarım iti, ezi me ian mikarzir mogomebar iniba aghore. Ezi ia deravıra Moses Osirizir Arazibar gın zuir puvatı. Ezi Kantrin Igharazibar Gumazamiziba, Moses Osirizir Araziba deravıra dar gın zui, ezi me men mikarzir mogomebar iniba aghorezir puvatı. Bar guizbangıra, ia Judaba, Moses Osirizir Arazibar gın mangan koghti, Kantrin Igharazibar Gumazamiziba ian araziba tuisıgh

**2:24:** Ais 52:5, Ese 36:20-23      **2:24:** Aisaia 52:5; Esekiel 36:20-23

**2:25:** Jer 4:4, 9:25, Ga 5:3      **2:25:** Jeremaia 4:4; 9:25; Galesia 5:3

**2:26:** Ga 5:6      **2:26:** Galesia 5:6

egh mikim suam, ian araziba ikufi. <sup>28</sup> Akar kamın mingarim kamakın: mikarzir mogomer iniba aghorir arazim gumazitam damuti, a guizın Judan gumazimın otoghan kogham. Mikarzir mogomemın inibar aghorir arazim a inivafızimın bizim pu. <sup>29</sup> Puvati. Guizın Judan gumazim a kamakın: an niğhnızim ko navir averiam Judan gumazimın iti. Guizın mikarzir mogomer inir diğhorim, a uaghan gumazimın niğhnızim ko navir averiamın aven ikegh otivam. Guizın mikarzir mogomer inir diğhorim, a Moses Osirizir Arazibar gın zuir tuavimın otivir puvati. Kar bizir Godın Duamın tuavimın otivim. Gumazir kamaghın amim, gumazamizibar damazimın ziar aghuim isir puvati. Egha Godın damazimın a ziar aghuim isi.

### 3

#### *God deravira uan akamın gın zui*

<sup>1</sup> E fo, mikarzir mogomemın inimın diğhorim a pura inivafızimın bizim puvati. Ezi kamaghın Judaba ti manmaghın Kantrin Igharazibar Gumazamizibagh afira? Ezi bizir aghuir manaba mikarzir diğhorimın arazimın otifi? <sup>2</sup> God bizir bar aghuir aviriba Judabagh anıngi! Bar bizir ekiam, God uan akam isa Judabagh anıga ghaze,

---

**2:28:** Jo 7:24, 8:39, Ro 9:6-7      **2:28:** Jon 7:24; 8:39; Rom 9:6-7

**2:29:** Lo 30:6, 1 Ko 4:5, 2 Ko 10:18, Kl 2:11, 1 Pi 3:4      **2:29:** Godın Araziba 30:6; 1 Korin 4:5; 2 Korin 10:18; Kolosi 2:11; 1 Pita 3:4

**3:2:** Lo 4:7-8, Sng 147:19-20, Ro 2:18, 9:4      **3:2:** Godın Araziba 4:7-8; Onger Akaba 147:19-20; Rom 2:18; 9:4

ia deravira a geghuv an ganam. <sup>3</sup> Bar guizbangira, Judan marazi akar kam deravira an gin zuir puvati. Eghti God manmaghin damuam? Me nighnizir gavgavim Godin ikian koghti, bizir kam God damighti, a uan akamin gin mangan kogham, o? <sup>4</sup> Bar puvati! Gumamaziziba bar moghira ifari, ezi God uabira zurara guizbangira migei. Godin Akinafarimin osizirim kamaghin migei:

“God, ni migeima, gumamaziziba fo, ni guizbangira migei.

Egh me nin araziba tuisighiva, me fogh suam, ni arazir kuratam itir puvati.”

<sup>5</sup> Ezi manmaghin ami? E kamaghin mikim suam, en arazir kuraba ti Godin arazir aghuiba azenim garisi? O, e kamaghin mikim suam, God en arazir kuraba ikarvagha ivezir kuraba e ganiga, kamaghin a ti arazir kuram gami? (Migirigiar kaba, nguazimin itir gumamazizibar migirigiar min zui.) <sup>6</sup> Bar puvati! God deraghan koghiva, manmaghin gumamaziziba bar men araziba tuisigham? Bar puvati, an araziba dera, kamaghin amizi a gumamazizibar arazir kuraba ikarvasi. <sup>7</sup> Gumazitam o amizitam kamaghin mikim suam, “Nan akar ifavarim, Godin guizin akam gamizi, an azenim giri, egha an ziam gamima an ekefe. Egh manmagh su, God na mikim suam, ki gumazir arazir kuram gamim,

---

**3:3:** Ro 9:6, 10:16, 11:29, 2 Ti 2:13, Hi 4:2    **3:3:** Rom 9:6; 10:16; 11:29; 2 Timoti 2:13; Hibrui 4:2    **3:4:** Sng 51:4, 62:9, Jo 3:33    **3:4:** Onger Akaba 51:4; 62:9; Jon 3:33    **3:5:** Rom 6:19; Galesia 3:15

egh nan arazir kuram ikaragham?”<sup>8</sup> Migirigiar onganir igharazir mamra kara: “Aria, e arazir kuram damutima arazir aghuim otivam.” Gumazamizir maba akam na gasa ghaze, ki kamaghin bizibav gei! Kamaghin God me gasighasighti, bar deragham.

*Gumazamiziba Godin damazimin derazir puvati*

<sup>9</sup> Ezi manmaghin ami? E Judaba ti Kantrin Igharazibar Gumazamiziba Godin damazimin me gafira? Bar puvati! Ki mikemegha gifa, Judaba ko Kantrin Igharazibar Gumazamiziba sara, arazir kurabar gavgavim bar e avarazi e an apengan iti.  
<sup>10</sup> Godin Akinafarim bizir kam kamaghin a migei:

“Gumazamiziba bar moghira,  
men tav arazir aghuitam bar a gamizir puvati.  
Bar puvati.

<sup>11</sup> Gumazitam fofozir aghuim itir puvati.  
Gumazitam God buri puvati.

<sup>12</sup> Gumazamiziba bar tuavir aghuim ataki.  
Gumazamiziba bar pazav ami.

Men tav arazir aghuitam bar a gamizir puvati.  
Bar puvati.

<sup>13</sup> Men akar toriba mati gumazamizir moziba akaba akari;  
kamaghin amizi me migeima ovevem otifi.  
Me akar ifavarir bar aviribagh ami.

---

**3:8:** Ro 5:20, 6:1, 6:15    **3:8:** Rom 5:20; 6:1; 6:15    **3:9:** Ro 1:18-2:24, 3:23    **3:9:** Rom 1:18--2:24; Rom 3:23    **3:10:** Sav 7:20  
**3:10:** Fofozir Gumazim 7:20    **3:10:** Onger Akaba 14:1-3; 53:1-3  
**3:13:** Sng 5:9, 140:3, Je 5:16    **3:13:** Onger Akaba 5:9; 140:3



- Me gumazibagh asighasighasa migeir akaba,  
 men akatoribar ikia  
 mati kuruzim imezir kuram an aven iti.
- 14 Dughiaba zurara me akavghuriaba gumaza-  
 mizibagh arigha,  
 migirigiar gumamazibagh asighasisibagh  
 amua  
 osimtiziba me garisi.
- 15 Me zurara atamra ghua  
 gumamazir arazir kurabagh amir  
 puvatizibav sozi,  
 me ariaghiri.
- 16 Me aruava bizir gumamazibar dabirabim  
 gasighasizibagh amua,  
 mizaziba ko osimtiziba me garisi.
- 17 Me navir amirizimin tuavim gifozir puvatigha  
 igharaz darazi ko deragha apiaghiri puvati.
- 18 Me tong Godin atiatia  
 an apengan itir puvati.  
 Bar puvati.”

19 E fo, God kamaghin ifonge, an kotin  
 dughiamin Judaba ko Kantrin Igharazibar  
 Gumamaziziba sara, me Godin arazir  
 gumamaziziba tuisizim riagh migirigiatam  
 damighan kogham. Kamaghin God, Moses  
 Osirizir Araziba isa, Judabagh aningi. Eghti  
 me dar gin mangi dar apengan ikiam. <sup>20</sup> E fo,

---

**3:14:** Sng 10:7    **3:14:** Onger Akaba 10:7    **3:15:** Aghuzir  
 Akaba 1:16; Aisaia 59:7-8    **3:18:** Sng 36:1    **3:18:** Onger Akaba  
 36:1    **3:19:** Jo 10:34, Ro 1:20, 2:2, 3:9, 3:23    **3:19:** Jon 10:34; Rom  
 1:20; 2:2; 3:9; 3:23    **3:20:** Sng 143:2, Ap 13:39, Ro 7:7, Ga 2:16, Ef  
 2:8-9, Ta 3:5    **3:20:** Onger Akaba 143:2; Aposel 13:39; Rom 7:7;  
 Galesia 2:16; Efesus 2:8-9; Taitus 3:5

tav Moses Osirizir Arazibar ġin mangiti, God kamaghin mikiman kogham, ni nan damazimin dera. Puvati. Gumamazir Moses Osirizir Arazibar ġin mangasava amiba, me uan arazir kurabar gara fo, kar arazir kuram.

*Gumazir nighnizir gavgavim Kraisin itim, God ghaze, a nan damazimin dera*

<sup>21</sup> Ezima tuavir e Godin damazimin derazim, a datirighin azenim giri. A Moses Osirizir Arazibar ġin zuir tuavimin otozir puvati. A tuavir igharazimin oto. Mosesin Osiziriba, ko Godin akam inigha izir gumazibar Akinafariba bizir kamın gun miġei. <sup>22</sup> Bizir kam kamakin, gumamaziba bar nighnizir gavgavim Kraisin Iesusin ikiti, God suam ia nan damazimin dera. Tuavir igharazitam ua itir puvati. <sup>23</sup> Gumamaziba bar moghira arazir kuram gamigha, Godin angazan-garimin saghon ikia an aven mangan ibura. <sup>24</sup> Ezi God en apangkuvigha Kraisin amizir ingangarimin a uam e givezegha ghaze, e an damazimin dera. E uan ingangaritamın Godin damazimin derazir pu. Puvati. Kraisin Iesusin ingarim bangin, God bizir aghuir kam isa puram e ganingi. <sup>25</sup> God kamaghin ifonge, Kraisin aremeghiva, tuavir kamın

---

**3:21:** Ap 10:43, 15:11, 26:22, Hi 11:4, 1 Pi 1:10      **3:21:** Aposel 10:43; 15:11; 26:22; Hibru 11:4; 1 Pita 1:10      **3:22:** Ro 1:17, 10:12, Ga 2:16, 3:28, Kl 3:11      **3:22:** Rom 1:17; 10:12; Galesia 2:16; 3:28; Kolosi 3:11      **3:23:** Ro 3:9, 5:2, 11:32, Ga 3:22      **3:23:** Rom 3:9; 5:2; 11:32; Galesia 3:22      **3:24:** Ro 5:1, Ef 1:7, 2:8, Kl 1:14, 1 Ti 2:6, 1 Pi 1:18-19      **3:24:** Rom 5:1; Efesus 1:7; 2:8; Kolosi 1:14; 1 Timoti 2:6; 1 Pita 1:18-19      **3:25:** Ap 13:38-39, 17:30, Ef 1:7, Kl 1:20, Hi 9:15  
**3:25:** Aposel 13:38-39; 17:30; Efesus 1:7; Kolosi 1:20; Hibru 9:15

a gumamazizibar amuti, men arazir kuraba gin amadagham. Bizir kam bagha, God Kraisin amisefe. Eghti tina nighnizir gavgavim Iesusin ikiti, God suam, ni nan damazimin dera. Kraisin ovevem in tuavimin, God uabi en akagha ghaze, a uabi bar dera. Fomira God gumamazizibar asughav ikia, zuamira men arazir kurabar ivezir kuram da ikarazir puvati. <sup>26</sup> Egha datirighin dughiar kam God uabi en akagha ghaze, a uabi bar dera. A uan arazir aghuim kamaghin en aka, eghti gumamaziziba nighnizir gavgavim Iesusin ikiti, a suam, ia nan damazimin dera.

<sup>27</sup> Eghti e tizim bagh uarira uan ziaba fam? Biziba bar puvati. E kamaghin mikiman kogham, e Moses Osirizir Arazibar gin zuima God e migia ghaze, e dera. Bar puvati. Gumamaziziba nighnizir gavgavim Iesusin ikiti, God suam, ia nan damazimin dera. <sup>28</sup> E fo, Moses Osirizir Arazibar gin zuir tuavir kam gumazitam gamizi, a Godin damazimin derazir puvati. Nighnizir gavgavim itir gumamaziziba, merara Godin damazimin dera. <sup>29-30</sup> Ezi manmaghin ami, God ti Judabar Godra? O, a ti Kantrin Igharazibar Gumamaziziba sara, men God? Are. A Judaba ko Kantrin Igharazibar Gumamaziziba bar moghira men God. Godin vamira iti. Egha a gumazir uan mikarzir mogomebar iniba aghoreziba, men nighnizir gavgavimin garava, uaghan gumazir uan mikarzir mogomebar iniba aghorezir puvatiziba, men nighnizir

---

**3:27:** Ro 2:17, 2:23, 1 Ko 1:29-31, Ef 2:9      **3:27:** Rom 2:17; 2:23; 1 Korin 1:29-31; Efesus 2:9      **3:28:** Ap 13:38-39, Ro 3:20-22, 8:3, Ga 2:16      **3:28:** Aposel 13:38-39; Rom 3:20-22; 8:3; Galesia 2:16  
**3:29-30:** Godin Araziba 6:4; Rom 4:11-12; 10:12; Galesia 3:8; 3:20; 3:28

gavgavimın gari. Egha ghaze, ia nan damazimın dera. <sup>31</sup> Ezi manmakın? E kamaghın mikim suam, niĝhnizir gavgavim bar bizir ekiam, egh e ti suam, Moses Osirizir Araziba pura bizim? Bar puvati. E kamaghın mikim suam, Moses Osirizir Araziba da gavgavigha ingangarim iti.

## 4

### *God Abraham dıbora ghaze, a nan damazimın dera*

<sup>1</sup> Kamaghın amizi, e Abraham ĝinighniĝham, an en mın nguazir kamın gumazir mam, egha en ovavim. Bizir tizim guizın a bato? <sup>2</sup> Ia niĝhnigh: Abraham arazir aghuibar amuti, God suam ni nan damazimın dera, eghti bizir kam bagh Abraham uan ziam fam. Ezi bizir kam guizın bizim puvati. Abraham tuavir kamın Godın damazimın gumazir aghuim otozir puvati. Abraham bizir kam bagh uan ziam fan kogham. <sup>3</sup> Godın Akinafarim ghaze, “Abraham niĝhnizir gavgavim Godın itima, God an niĝhnizir gavgavim bagha a dıbora ghaze, ni nan damazimın dera.”

<sup>4</sup> Gumazim ingangarim gamima, me ivezim a ganıdi. Ivezir kam, a bizir aghuir me pura a ganıdir puvatızim. Puvati. Kar an ingangarimın ivezimra. <sup>5</sup> Eghti gumazitam o amizitam Godın damazimın gumazir aghuimın mın otivsi, a manmaghın damuam? An arazir aghuim bagh pamten ingaran marki. Puvati. A niĝhnizir gavgavim

---

**3:31:** Mt 5:17, Ro 8:4    **3:31:** Matyu 5:17; Rom 8:4    **4:2:** Ro 3:20, 3:27-28    **4:2:** Rom 3:20; 3:27-28    **4:3:** Stt 15:6, Ga 3:6, Je 2:23    **4:3:** Jenesis 15:6; Galesia 3:6; Jems 2:23    **4:4:** Ro 11:6  
**4:4:** Rom 11:6

Godin iki suam, God arazir kurabagh amizir gumazim dipon suam, ni nan damazimin dera. God gumazir kam o amizir kamın nighnizir gavgavimın garava a mega ghaze, ni nan damazimin dera. <sup>6</sup> Devit uaghan akar otevir kam gamua ghaze, gumamazir arazir aghuibagh amir puvatiziba, God ghaze, me nan damazimin dera. Gumamazir kaba, me bar akongegh. Devit kamaghin migei:

<sup>7</sup> “Gumamazir arazir kurabagh amiba,  
 God men arazir kuraba gin amadagha da  
 avara,  
 eghti gumamazir kaba bar akuegham.

<sup>8</sup> Gumamazir arazir kurabagh amiba,  
 God men arazir kuram mengvira ikian koghti,  
 gumamazir kaba bar akuegham.”

<sup>9</sup> Bar akongezir arazir kam, ten bizim? A gumazir uan mikarzir mogomebar iniba aghorezibar bizimra? O, gumazir mikarzir mogomebar iniba aghorezir puvatiziba uaghan, men bizim? Ia deravira nighnigh. E kamaghin migei, “Abraham nighnizir gavgavim Godin itima, God an nighnizir gavgavim bagha a dibora ghaze, ni nan damazimin dera.” <sup>10</sup> Ia nighnigh, dughiar manamra God ghaze, ni nan damazimin dera? Dughiar a tighar uan mikarzir mogomemın inim aghoramim, an a mikemez, o? Dughiar a uan mikarzir mogomemın inim atugha givazimın gin, an a mikeme? Guizbangira, Abraham tighar uan mikarzir mogomemın

inim aghoramin dughiamin God ghaze, ni nan damazimin dera! <sup>11</sup> Ezi gin, me an mikarzir mogomemin inim atu. God mikarzir mogomemin inim dighorimin arazim a ganingi, eghti me Abrahamin duar kurimin gan fogh suam, dughiar a tighar mikarzir mogomemin inim aghoramim a nighnizir gavgavim Godin iti. Ezi bizir kam bagha God ghaze, ni nan damazimin dera. Kamaghin amizi, Abraham gumazamizir nighnizir gavgavim Godin itibar ovavimin min oto. Gumazir kaba, me gumazir mikarzir mogomemin inim aghorezir puvatiziba. Egha nighnizir gavgavim Godin itima God ghaze, ia nan damazimin dera. <sup>12</sup> Egha Abraham uaghan mikarzir mogomebar iniba aghorezir marazir ovavim, me pura mikarzir mogomebar iniba aghorezir pu. Puvati. Me mikarzir mogomebar iniba aghoregha, me uaghan en ovavim Abrahamin arazibar gin ghua, nguazir kam in ikia nighnizir gavgavim Godin iti, mati Abraham, dughiar a tighar mikarzir mogomemin inim aghoramimin, a nighnizir gavgavim Godin iti.

### *God Abraham ko dikirizir akam*

<sup>13</sup> Fomira God akar dikirizim Abraham ko an gin zuir ovaviba me ganiga ghaze, a nguazir kam me daningam. Abraham, Moses Osirizir Arazibar gin zuir puvatizi, God a ko akar dikirizim gami. Puvati, Abraham nighnizir gavgavim Godin itima, God ghaze, ni nan damazimin dera. Egha God

---

**4:11:** Stt 17:10, Lu 19:9, Ga 3:7    **4:11:** Jenesis 17:10; Luk 19:9; Galesia 3:7    **4:12:** Mt 3:9    **4:12:** Matyu 3:9    **4:13:** Stt 17:4-6, 22:17-18, Ga 3:29    **4:13:** Jenesis 17:4-6; 22:17-18; Galesia 3:29

Abrahamın niĝnizir gavgavımın ganıgha, kamaghın a ko akar dikirizim gami. <sup>14</sup> Gumazitam o amizitam Moses Osirizir Arazibar ğın mangıva a Godın akar dikirizimın bizıba inıtı, kamaghın an niĝnizir gavgavım a pura bizimın otozi, Godın akar dikirizim gavgavıba puvatıghai. <sup>15</sup> E kamaghın fo, Moses Osirizir Arazıba itıma gumazamizıba dar ğın zuir puvatızıma bizir kam God gamıma a men anıngazi. Moses Osirizir Arazıba puvatıghtıma, e kamaghın mıķıman kogham, gumazamizıba Moses Osirizir Arazıbar akaba batosi.

<sup>16</sup> God kamaghın ifonge, a Abrahamın ğın zuir ovavıbar apangkuvıghıva akar dikirizim me danıngam. Kamaghın amizi, God Abrahamın niĝnizir gavgavımın ganıgha, a ğısın akar dikirizim Abraham koma a gami. Gumazamizir Moses Osirizir Arazıbar ğın zuıbara, bizir kaba inian kogham. Puvatı. Tina Abrahamın mın niĝnizir gavgavım ikıva me uaghan bizir kaba iniam. Kamaghın, Abraham bar en afeziam. <sup>17</sup> Kamaghın amizi Godın Akınafarım kamaghın mıgei, “Ki ni damıghtı ni kantrin avirıbar afeziamın otogham.” Akar dikirizir kam, God uabi a gamizi an an damazımın gavgafi. Godın kamra, Abraham niĝnizir gavgavım an itı. Egha Godın kamra, a gumazamizir ovengezıbagh amıma me

---

**4:14:** Ga 3:18    **4:14:** Galesia 3:18    **4:15:** Ro 3:20, 5:13, 5:20, 7:8, 2 Ko 3:7-9, Ga 3:10, 3:19    **4:15:** Rom 3:20; 5:13; 5:20; 7:8; 2 Korin 3:7-9; Galesia 3:10; 3:19    **4:16:** Ro 3:24, Ga 3:7, 3:22    **4:16:** Rom 3:24; Galesia 3:7; 3:22    **4:17:** Stt 17:5, Aisai 48:13, 1 Ko 1:28, Ef 2:1, 2:5, 1 Pi 2:10    **4:17:** Jenesis 17:5; Aisai 48:13; 1 Korin 1:28; Efesus 2:1; 2:5; 1 Pita 2:10

ua dikafi, egha a pura miġeima bizir faragha itir puvatiziba, da otifi.\*

<sup>18</sup> Abraham fozir puvati, God manmagħin uan akar dikirizim damighti an otivam. Egha a guizbangira niġnizir gavgavim Godin ikia, bizir aghuir a fogha iniamiba bagħa mizuai iti. Egha kamagħin a “Kantrin aviribar afeziamin oto.” Godin Akinafarim mikemezi mogħin, “Niin ovavir boriba bar avirasemegham.” <sup>19</sup> Abraham fo, an mikarzim bar ghurigha mati aremezir gumazim. Egha a 100plan azenibar roghira ghu. Egha a fo, an amuim Sara boritam batan kogħam, a navim ronghe. <sup>20-21</sup> Egha Abraham uan niġnizir gavgavim anetaghizir puvati. Egha Godin akar dikirizim ġiniġnigha navir pumuningin itir puvati. An niġnizir gavgavim a gamima a bar gavgavigha Godin ziam fe. A bar fo, God uan akar dikirizimin ġin mangi bizir kam damuamin gavgavim iti. <sup>22</sup> Kamagħin God Abrahamin niġnizir gavgavim ġiniġnigha a dibora ghaze, a nan damazimin dera.

<sup>23</sup> Akar kam Godin Akinafarimin iti, “God a dibora ghaze, a nan damazimin dera.” Kar an Abrahamra miġeir puvati. <sup>24</sup> Kar uaghan en miġirigiam. E uaghan niġnizir gavgavim Godin

---

\* **4:17:** Grighin akam, vezin kam deragħa bigħa mikemezir puvati. Marazi niġnigha ghaze, vezin kam kamagħin miġei, “Abraham, Godin damazimin en ovavir afeziam.” **4:18:** Stt 15:5, Hi 11:1 **4:18:** Jenesis 15:5; Hibru 11:1 **4:19:** Stt 17:17, 18:11, Hi 11:11-12 **4:19:** Jenesis 17:17; 18:11; Hibru 11:11-12 **4:20-21:** Onger Akaba 115:3; Hibru 11:19 **4:22:** Stt 15:6 **4:22:** Jenesis 15:6 **4:24:** Ap 2:24, 13:30, Ro 15:4, 1 Pi 1:21 **4:24:** Aposel 2:24; 13:30; Rom 15:4; 1 Pita 1:21



iti. God en Ekiam Iesus gamizi a ua mozimîn dikafi, ezi e niġhnizir gavgavim an iti. Kamaghin amizi God uaghan e dipon suam, ia nan damazimîn dera. <sup>25</sup> En arazir kuraba bagha, God Iesus isa gumazir kurabar dafarim gatizi me a misoghezi, an areme. E an damazimîn deraghasa, an e bagha Iesus gamizi a ua mozimîn dikafi.

## **E Krai ko aremegha uaghan a ko angamira iti**

### 5

*(Sapta 5--8)*

*E datirighin Godin damazimîn dera*

<sup>1</sup> E niġhnizir gavgavim Godin itima, tuavir kamîn God ghaze, e an damazimîn dera. Kamaghin, en Ekiam Krai Iesus an e gamizi, e navir vamira God ko iti. <sup>2</sup> E Krai niġhnizir gavgavim an itima, tuavir kamîn an e inigha God bagha ghuzima, e datirighin Godin apangkuvimîn aven iti. E fo, e Godin ziar ekiam ko dabirabir aghuim a ko a iniassa, bizir kam mizuai ikia bar akonge. <sup>3</sup> Egha e bizir kabanangira bagha bar akongezir puvati. E fo, e osimtizar aven iti, eghti osimtizar e damuti, e tugh gavgavighamin

---

**4:25:** Ais 53:4-5, 1 Ko 15:17, 2 Ko 5:21, Ga 1:4, 1 Pi 1:21      **4:25:**  
Aisaia 53:4-5; 1 Korin 15:17; 2 Korin 5:21; Galesia 1:4; 1 Pita 1:21  
**5:1:** Jo 16:33, Ro 3:24, 3:28-30, 4:24, Ef 2:14, Kl 1:20      **5:1:** Jon  
16:33; Rom 3:24; 3:28-30; 4:24; Efesus 2:14; Kolosi 1:20      **5:2:** 1 Ko  
15:1, Ef 2:18, 3:12, Hi 3:6, 10:19      **5:2:** 1 Korin 15:1; Efesus 2:18;  
3:12; Hibru 3:6; 10:19      **5:3:** Ap 5:41, 2 Ko 12:10, Fl 2:17, Je 1:2-3, 1  
Pi 1:5-7, 3:14      **5:3:** Aposel 5:41; 2 Korin 12:10; Filipai 2:17; Jems  
1:2-3; 1 Pita 1:5-7; 3:14

arazim gıfogham. Kamaghın amizi e bar akonge. <sup>4</sup> E tugh gavgavighti, God miğirigiar aghuim e damuam. Eghti an miğirigiar kam e damuti, e bizir aghuir gin izamiba bagh mizuam iki suam, e da iniam. <sup>5</sup> God uan Duamin, an arazir gumazamizibagh ifongezim e gingezi, a bar en navibagh izifa. Kamaghın amizi, e Godın bizir aghuiba bagha mizua, egha bar fo, e pura mizuai puvati, da guizbangira otivam.

<sup>6</sup> E uarira uarir akurvaghan iburazir dughiamın, Krais e gumazamizir kuraba bagha areme. An ovevem, God inabazir dughiamın oto. <sup>7</sup> Guizbangira, gumazir aghuimın akurvaghı aremeghamin bizim bar osemi. Ezi ti dughiar vabara, tarazi ti, gumazir aghuitam bagh aremegham. <sup>8</sup> Ezi e arazir kurabagh amuavira itir dughiamın, Krais en akurvaghasa areme. Arazir kamın, God bar e gifongezir arazim en aka. <sup>9</sup> Bizir bar ekiam, Krais e bagh aremezi, tuavir kamın God en gara ghaze, ia nan damazimın dera. Kamaghın amizi e fo, gin Godın kotiamın dughiamın an aningagharim otoghti, a dughiar kam guizin uaghan en akurvagham. <sup>10</sup> E faragha Godın apaniba, ezi an Otaramın ovevemın

---

**5:5:** Sng 22:5, 25:20, 2 Ko 1:22, Ga 4:6, Ef 1:13-14, Hi 6:18-19    **5:5:** Onger Akaba 22:5; 25:20; 2 Korin 1:22; Galesia 4:6; Efesus 1:13-14; Hibru 6:18-19    **5:6:** Ro 4:25, 5:8-10    **5:6:** Rom 4:25; 5:8-10  
**5:8:** Jo 3:16, 15:13, 1 Pi 3:18, 1 Jo 3:16, 4:10    **5:8:** Jon 3:16; 15:13; 1 Pita 3:18; 1 Jon 3:16; 4:10    **5:9:** Ro 1:18, 2:5, 2:8, 3:25, 1 Te 1:10, Hi 9:14, 1 Jo 1:7    **5:9:** Rom 1:18; 2:5; 2:8; 3:25; 1 Tesalonika 1:10; Hibru 9:14; 1 Jon 1:7    **5:10:** Jo 14:19, Ro 8:7-8, 2 Ko 4:10-11, 5:18-19, Kl 1:20-21    **5:10:** Jon 14:19; Rom 8:7-8; 2 Korin 4:10-11; 5:18-19; Kolosi 1:20-21

an e gamizi e an namakaba. Datirighin e an namakaba, ezi Iesus angamira ikiava, kamaghin bar guizbangira a en akurvagham. <sup>11</sup> Uaghan bizir mam kamakin, en Ekiam Kraiss Iesus e gamizi e guizin Godin namakabara, kamaghin e bar akonge.

*Adamın aven, ovevem oto, ezi Kraissın aven, ikirimir zurara itim oto*

<sup>12</sup> Kamaghin amizi, gumazir vamira arazir kuram gami, ezi tuavir kamın arazir kuraba nguazir kamın oto. Ezi nguazir kamın gumazamiziba arazir kurabagh amima, ovevem oto. Ezi gumazamiziba bar arazir kurabagh amima, ovevem bar me bato. <sup>13</sup> E fo, fomira Moses Osirizir Arazibar tighar otivamin dughiam, dughiar kamın arazir kuraba nguazir kamın iti. Ezi Moses Osirizir Araziba itir puvatizi, God gumazamizibar arazir kurar kaba medir puvatı. <sup>14</sup> Ezi Adamın dughiamın ikegha ghua Mosesın dughiamın, ovevem gumazamiziba gativagha me avara. Gumazir maba Adamın mın arazir kuratam gamizir puvatı, men arazir kuraba ighara. Ezi ovevem uaghan me avara. Ezi Adam mati Gumazir Izamimın nedazim.

<sup>15</sup> Ezi Godın apangkuvir a pura aningizim, an Adam amizir arazir kuramın mın amir puvatı. Guizbangira, gumazir vamira Adam arazir kuram gamizi, tuavir kamın gumazamizir aviriba ariaghire. Ezi gumazir vamira Kraiss Iesus an

---

**5:12:** Stt 2:17, 3:6, 3:19, Ro 6:23, 1 Ko 15:21    **5:12:** Jenesiss 2:17; 3:6; 3:19; Rom 6:23; 1 Korin 15:21    **5:13:** Ro 4:15, 1 Jo 3:4    **5:13:** Rom 4:15; 1 Jon 3:4    **5:14:** 1 Ko 15:21-22, 15:45    **5:14:** 1 Korin 15:21-22; 15:45

apangkuvimîn, God e gamizi, e an damazimîn dera. Ezi Godîn apangkuvimîn gavgavim bar ovevemîn gavgavim gafira. Bizir kam, a gumazamizir aviriba pura me ganingizi, a me gizifa!  
<sup>16</sup> Egha uaghan God puram e ganingizir bizim ko, gumazir vamiran arazir kuramîn otozir bizim, aning uaghara zuir puvati. Aning arazir vamira e gamir pu. Bar puvati. Gumazir kam arazir kurar vamira gamizi, God gumazamiziba me tuisigha ghaze, ia bar ikuvigham. Egha God puram e ganingizir bizim kamakin, gumazamiziba arazir kurar aviribagh amima, God men apankuva gari, mati me arazir kuratam gamizir puvati.  
<sup>17</sup> Guizbangira, gumazir vamira Godîn akam batoke, ezi an arazir kuramîn ovevem gumazamiziba bar me gatifa. Ezi God uan apangkuvim gumazamiziba avarazi a me gizifa, ezi a ghaze, ia nan damazimîn dera. Kar a pura aningizir bizim. Egh gumazir vamira Krai Iesusin ingangarimîn, tina God pura anidir bizim iniva, a Krai ko ikiva bizibagh ativagh dar ganam. Egh me kamagh ikiva me bizibagh ativaghamin gavgavim, ovevemîn gavgavim gafiragham.

<sup>18</sup> Kamaghin amizi, e deravira akar kam ginihniham. Gumazir mam arazir kurar vamiram amizi, God ghaze, gumazamiziba bar moghira bar ikufi. Kamaghira, Gumazir Igharazir Vamira arazir aghuir Godîn damazimîn derazim gami. Kamaghin amizi God gumazamiziba bar men gari, me mati arazir kuratam gamizir puvati. Egh God zurara itir ikirimirir aghuarim

me daningam. <sup>19</sup> Gumazir vamira Godin akam baraghizir puvati, ezi an arazir kam gumazamizir aviribagh amizi, me arazir kurabagh amir gumazamizibagh ava. Kamaghira Gumazir Vamira Godin akam baraghizi, an arazir kam gumazamizir aviribagh amizi, me Godin damazimin dera.

<sup>20</sup> God kamaghin nighnigha, Moses Osirizir Araziba aningi, eghti gumazamiziba arazir kurabar amuamin tuavibagh fogh dar amuti, arazir kurar avirim otivighiram. Kamaghin amizi gumazamiziba puv arazir kurabagh ami, ezi Godin apangkuvim bar ekeveggha, bar dar pin iti. <sup>21</sup> Arazir kuram faragha gumazamizibagh amima me ariaghiri, kamaghin amizi ovevem in tuavim in, arazir kuram men atrivim in min iti. Kamaghira, Godin apangkuvim datirighin gumazamizibagh amima, me an damazimin dera. Ezi apangkuvim en atrivim in min iti. Eghti gin izamin dughiam, en Ekiam Kraiss Iesusin ingarim in, God zurara itir ikirimirir aghuarim e daningam.

## 6

### *E Kraiss ko ovenge*

<sup>1</sup> Kamaghin amizi, e manmaghin mikimam? E ti arazir kurabar amuvira ikiti, Godin apangkuvim

---

**5:19:** Ais 53:11    **5:19:** Aisaia 53:11    **5:20:** Jo 15:22, Ro 3:20, 4:15, 7:8, Ga 3:19, 3:23, 1 Ti 1:14    **5:20:** Jon 15:22; Rom 3:20; 4:15; 7:8; Galesia 3:19; 3:23; 1 Timoti 1:14    **5:21:** Ro 6:23    **5:21:** Rom 6:23    **6:1:** Ro 3:5-8, 6:15    **6:1:** Rom 3:5-8; 6:15

ekevegh mangivira ikiam? <sup>2</sup> Bar puvatigham! E aremezir gumazamizibar min ikia, egha arazir kurar e amiba ategha gifa. Egh e manmagh su, uam arazir kurabar tuavimin gin mangivira ikiam? <sup>3</sup> Ia ti kamaghin fo, e bar Kraiss Iesusin aven ruegha a ko poke. Arazir kamın e bar an ovevem ko poke. <sup>4</sup> E ruegha, tuavir kamın Kraissin ovevemın poghezi, Afeziam Kraiss ko mozimin aven e akaragha e avara. A uan gavgavir ekiamın Kraiss gamizi a mozimin ua dikafi, kamaghira, e uaghan ikirimirir igiar aghuimin ikivira ikiam.

*E Kraiss Iesus ko uaghan ikirimirir aghuarimin ikiam*

<sup>5</sup> E Kraiss ko puegha mati an aremezi moghin areme. Kamaghira, a ua dikavizi moghin e a ko puegh ua dikavigham. <sup>6</sup> E kamaghin fo, en navir ghurimin araziba, da Kraiss ko ter ighuvinim aremegha givazi, en inivafizimin agoroger arazir kurabar gavgavim gifa. Kamaghin amizi, e ua arazir kuramin ingangarir gumazamizibar ikian kogham. <sup>7</sup> Guizbangira, gumazim o amizim aremeghti, arazir kuramin gavgavim uam a gativaghti, an an apengan ikian kogham. <sup>8</sup> E ghaze, e Kraiss ko aremegha, nighnizir gavgavim kamaghin iti, e uaghan a ko ikirimirir aghuir kamın ikiam.

---

**6:2:** Ro 7:4, Ga 6:14, Kl 3:3, 1 Pi 2:24, 4:1    **6:2:** Rom 7:4; Galesia 6:14; Kolosi 3:3; 1 Pita 2:24; 4:1    **6:3:** 1 Ko 15:29, Ga 3:27    **6:3:** 1 Korin 15:29; Galesia 3:27    **6:4:** Ro 8:11, Ga 6:15, Ef 4:22-24, Kl 2:12, 3:10    **6:4:** Rom 8:11; Galesia 6:15; Efesus 4:22-24; Kolosi 2:12; 3:10    **6:5:** Fl 3:10-11    **6:5:** Filipai 3:10-11    **6:6:** Ga 5:24, 6:14, Ef 4:22, Kl 2:11, 3:5, 3:9    **6:6:** Galesia 5:24; 6:14; Efesus 4:22; Kolosi 2:11; 3:5; 3:9    **6:7:** 1 Pi 4:1    **6:7:** 1 Pita 4:1

9 E kamaghin fo, Krai mozimîn ua dikavigha gîfa. Egh uam aremeghan kogham. Ovevem, a misueghti a uam aremeghamimîn gavgaviba puvati. 10 Krai dughiar vamîram areme, egha ua aremeghan kogham. Egha ovever arazir kamîn, an arazir kuramîn gavgavim agîfa. Eghti ovevem uam a gativsî damuan kogham. A datirîghin ikirîmirir aghuarimîn ikia God baghavira iti. 11 Ia uaghan nîghnîzir kamra iki, ia uaghan Krai ko aremegha arazir kuramîn gavgavim uam an apengan itir puvati. Ia Krai Iesus ko puegha God baghavira ikia ikirîmirir aghuimîn iti.

12 E Ovever mîkarzim iti, ezi ia arazir kuram ateghtima a ian mîkarzibagh ativan marki. Arazir kuram ia gekutima ia mîkarzim ifongezir arazir kuramîn gin mangan kogham. 13 Egh ia arazir kuramîn amamangatîghti a ian soroghafariba ko bizitaba ikîrarîghti ia arazir kuratam damuan marki. Ia mati, gumazamîzir ovegha mozimîn ikegha ua dikavigha angamîra itiba, kamaghin ia uari isi God daning. Egh Godin amamangatîghti a ian mîkarzim bar a gativaghti ia arazir aghuibar amu. 14 Arazir kuram ua ian mîkarzibagh ativan kogham. Ia Moses Osirîzir Arazibar apengan itir puvati, ia Godin apangkuvimîn apengan iti.

**6:9:** MAA 1:18    **6:9:** Akar Mogomem 1:18    **6:10:** Lu 20:38,

Hi 9:26-28, 1 Pi 3:18    **6:10:** Luk 20:38; Hibru 9:26-28; 1 Pita 3:18

**6:11:** Ro 6:2, 2 Ko 5:15, Ga 2:19, 1 Pi 2:24    **6:11:** Rom 6:2; 2 Korin

5:15; Galesia 2:19; 1 Pita 2:24    **6:12:** Stt 4:7, Sng 19:13, 119:133

**6:12:** Jenesis 4:7; Onger Akaba 19:13; 119:133    **6:13:** Ro 7:5,

12:1, Ef 2:5, 5:14, Kl 3:5, Je 4:1    **6:13:** Rom 7:5; 12:1; Efesus 2:5;

5:14; Kolosi 3:5; Jems 4:1    **6:14:** Ro 7:4-6, 8:2, Ga 5:18, 1 Jo 3:6

**6:14:** Rom 7:4-6; 8:2; Galesia 5:18; 1 Jon 3:6

*E arazir aghuibar ingangarir gumazamiziba*

<sup>15</sup> E datirighin ua Moses Osirizir Arazibar apengan itir puvati. Egh e manmaghin damuam? E datirighin Godin apangkuvimin apengan iti, egh e arazir kurabar amuvira ikiam o? Bar puvati!

<sup>16</sup> Ia ti kamaghin fos o? Ia uari isi, gumazitam daningiva, an akamin gin mangiva, an ingangarir gumazamizibar otivigham. Kamaghira, ia arazir kuramin ingangarir gumazamizibar ikiti, a ia damighti ia aremegham. Egh ia Godin akam bareghiva an gin mangiva an ingangarir gumazamizibar ikiti, a ia damighti, ia an damazimin deragham. <sup>17</sup> Guizbangira, ia faragha arazir kuramin ingangarir gumazamizibar ike, ezi God gin ia isa, uan akamin apengan ia ariki. Me Godin guizin akam ian sure gamizi, ia a inigha guizbangira an gin zui. Ezi bizir kamın, e God minabi! <sup>18</sup> Faragha arazir kuraba ia ikiagharighizi, God ia firi. Egha ia gamizi, ia arazir aghuibar ingangarir gumazamizibar otifi.

<sup>19</sup> Iavzika. Ian navir ghuribar nighniziba otevezi, ia foghasa ki bizir kam akar otevir isin zuimin ia migei. Bizir kam guizbangira, ia faragha uan mikarziba bar da aningizi, da arazir kurabar ingangarir gumazamizibar otivizi, ia arazir miziriziba ko bar ikuvizir arazibagh ami. Egh datirighin ia bar uan mikarzarbar anighti, da arazir aghuibar ingangarir gumazamizibar otivighti, ia Godin mirara zuegh ikiam.

**6:15:** Ro 6:1    **6:15:** Rom 6:1    **6:16:** Mt 6:24, Jo 8:34, 2 Pi 2:19

**6:16:** Matyu 6:24; Jon 8:34; 2 Pita 2:19    **6:18:** Jo 8:32, 1 Ko 7:22, Ga 5:1, 1 Pi 2:16    **6:18:** Jon 8:32; 1 Korin 7:22; Galesia 5:1; 1 Pita 2:16



20 Faragha ia arazir kurabar ingangarir gumamazizibar ikia, arazir aghuimîn gavgavimîn apengan itir puvati. 21 Ia faragha amir arazibagh da akurvazir manabar ia gami? Arazir kaba, ia datirighin dagh nighnigha aghumsisi. Arazir kabara gumamazibagh amima me ariaghiri. 22 Ezi datirighin God ia firizi, ia arazir kurabar gavgavimîn apengan itir puvatigha, Godin ingangarir gumamazizibar otifi. Ia iniamin bizir aghuimra kara, God ia damighti, ia Godin mirara zuegh iki, zurara itir ikirimirir aghuarim iniam. 23 Guizbangira, arazir kuram ivezim isa uan ingangarir gumamazibagh aningi. Ivezir kam an ovevemra. Ezi God bizir aghuarir pura e ganingizimra kara, zurara itir ikirimirir aghuarim. Ikirimirir kam, e uan Ekiam Kraiss Iesus ko poroghava a isi.

## 7

### *Datirighin e navir igiamin arazibar gin ghua ingangarim gami*

1 Nan adarasi, ia Moses Osirizir Arazibagh fozî ki ia migei. Ia fo, gumamaziziba angamira ikiavira ikia, Moses Osirizir Arazibar apengan iti. Gumamaziziba aremegha uam Moses Osirizir Arazibar apengan itir puvati. 2 Amizim pam ikiti, an pam angamira ikivira ikitima, Moses Osirizir Araziba uaghara aning ike. Amizimîn

---

6:20: Jo 8:34    6:20: Jon 8:34    6:21: Ro 1:32, 7:5, 8:6, 8:13  
 6:21: Rom 1:32; 7:5; 8:6; 8:13    6:23: Stt 2:17, Ro 2:7, 5:12, 5:15,  
 Je 1:15, 1 Pi 1:4    6:23: Jenesis 2:17; Rom 2:7; 5:12; 5:15; Jems 1:15;  
 1 Pita 1:4    7:2: 1 Ko 7:39    7:2: 1 Korin 7:39

pam aremeghti, Moses Osirizir Arazir uaghara aning ikezim, uam amizim ikeghan koghti amizim firighirigham. <sup>3</sup> Gumazim angamira ikivira ikiti, amizim gumazir igharazim ko dakuighti, me amizir kam mikim suam, a poroghamiba uari bakeir arazim gamir amizim. Amizir kamın pam aremeghti, Moses Osirizir Arazim a ikeghan koghti a firighirigham. Kamaghın, a gumazir igharazimın ikiti, me kamaghın mikiman kogham, a poroghamiba uari bakeir arazim gami. Puvati.

<sup>4</sup> Kamaghira, nan adarasi, ia Kraisin mikarzim ko puegha bizir kamın ia a ko ovegha, uam Moses Osirizir Arazimın apengan itir puvati. God kamaghın ifonge, e a bagh ingarti dagher aghuiba otivam. Kamaghın amizi, ia datirighın gumazir God amizi ua mozimın dikavizim, ia an adarasi. <sup>5</sup> E faragha uan navir ghurimın arazibar gın zuima, Moses Osirizir Araziba agoroger kuram en mikarzubagh aningizima, e arazir kuram gami. Ezi arazir kamın ovevem e bato. <sup>6</sup> Ezi datirighın e Kraisin mın ovengegha faragha en suighizir biziba, e da ataki. Kamaghın amizi, Moses Osirizir Araziba uam en suirazir puvatizi e firiaghire. Ezi datirighın en ingangarir e amiba, ua Moses Osirizir Arazibar gın zuir puvati. Datirighın, Godın Duam e gamima e tuavir igiamın gın ghua ingangarim gami.

---

**7:3:** Mt 5:32    **7:3:** Matyu 5:32    **7:4:** Ro 6:2, 6:11, 8:2, Ga 2:19, 5:22, Kl 2:14    **7:4:** Rom 6:2; 6:11; 8:2; Galesia 2:19; 5:22; Kolosi 2:14    **7:5:** Ro 6:13, 6:21, Ga 5:19, Je 1:15    **7:5:** Rom 6:13; 6:21; Galesia 5:19; Jems 1:15    **7:6:** Ro 2:29, 6:4, 8:2, 2 Ko 3:6    **7:6:** Rom 2:29; 6:4; 8:2; 2 Korin 3:6

### *Arazir kuraba paza e gami*

<sup>7</sup> Eghti manmakin? Moses Osirizir Araziba agoroger kuram en mikarzipar anighti, e arazir kuram damigh, manmagh mikimam? Tarazi suam, Moses Osirizir Araziba ti ikufi. Bar puvati. Moses Osirizir Araziba ikian koghtima, ki guizin kamaghin azangam, arazir kuraba, da tizim? Ki dagh foghan kogham. Moses Osirizir Araziba kamaghin migei, "Ni munavin biziba bagh navim dikavan marki." A kamaghin mikemeghan koghti, ki foghan kogham, biziba bagha navim dikavir arazim, an arazir kuram. <sup>8</sup> Ezi arazir kuram nan navir ghurimin aven ingara, egha Moses Osirizir Arazibar aven tuavimin apigha nighnizir kuraba na ganidi. Egha tuavir aviribar nan navim gami a dikavima, ki gumazamizir igharazibar bizibar gara nan navim da bagha arai. Moses Osirizir Araziba ti puvatizima, arazir kuram gavgaviba puvatighai. <sup>9-10</sup> Fomira Moses Osirizir Araziba itir puvatizi, ki angamira iti. Ezi Moses Osirizir Araziba otozi, arazir kuraba dikavigha angamira iti ki fo, ki Godin damazimin areme. Moses Osirizir Arazibar ingangarimra kara, a ikirimirir aghuarim e ganidi. Ki Moses Osirizir Arazibar tuavimin, ikirimirir aghuarim inizir pu. Puvati. Da na gamizi, ki areme. <sup>11</sup> Ezi arazir kuram nan aven ingara Moses Osirizir Arazibar aven tuavimin apigha na gifari. Egha Moses Osirizir

---

**7:7:** Kis 20:17, Lo 5:21, Ap 20:33    **7:7:** Ua Me Ini 20:17; Godin Araziba 5:21; Aposel 20:33    **7:8:** Ro 4:15, 5:20, 1 Ko 15:56    **7:8:** Rom 4:15; 5:20; 1 Korin 15:56    **7:9-10:** Ofa Gami 18:5; Esekiel 20:11-13; 20:21; Rom 10:5; 2 Korin 3:7; Jems 1:15    **7:11:** Stt 3:13, Hi 3:13    **7:11:** Jenesis 3:13; Hibru 3:13

Arazibar tuavmın na misoghezi, ki areme.

<sup>12</sup> E kamaghın fo, Moses Osirizir Araziba, da Godın otivaghire. Moses Osirizir Arazibar aven itir miğirigiar gavgaviba, da uaghan Godın otivaghiregha Godın damazimın derazir arazibar amuasa e miğia, egha gumazamizibar akurvasi. <sup>13</sup> Ezi manmakın? Bizir aghuir kam ti na gamizi ki ovenge? Bar puvati. Arazir kuram uabi na gamizi ki ovenge. God kamaghın ifonge, arazir kuram azenim girightima e bar fogh suam, arazir kuram a bar bizir kuram. Kamaghın amizi God arazir kuramın amamangatizi, arazir kuram bizir aghuir kamın aven otogha na gamizi ki ovenge. Kamaghın amizi Moses Osirizir Arazibar tuavimın, God guizbangıra kamaghın en aka, arazir kuram bar kurigha mughasi.

*Arazir kuram en mikarzibagh atifa*

<sup>14</sup> E fo, Moses Osirizir Araziba, da Godın Nguibamın bizim, ezi ki nguazir kamın gumazim. Ezi arazir kuramın gavgavim nan suirazi, ki arazir kuramın ingangarir gumazimın oto. <sup>15</sup> Egha ki amir araziba, ki deragha dar mingaribagh fozir puvati. Arazir ki damuasa bar ifongeziba, ki dagh amir puvati. Egha arazir ki ifongezir puvatiziba, ki zurara dagh ami. <sup>16</sup> Arazir ki ifongezir puvatiziba, ki dar amuti nan arazir kam kamaghın ian akaghti, ki ti kamaghın mikimam, Are, Moses Osirizir Araziba da bar dera. <sup>17</sup> Kamaghın amizi,

---

**7:12:** Sng 19:8, 119:138, 1 Ti 1:8      **7:12:** Onger Akaba 19:8; 119:138; 1 Timoti 1:8      **7:13:** Ro 5:20      **7:13:** Rom 5:20      **7:14:** Sng 51:5, Jo 3:6      **7:14:** Onger Akaba 51:5; Jon 3:6      **7:15:** Ga 5:17      **7:15:** Galesia 5:17

kî uabî arazir kurar kabagh amir pu. Puvati. Arazir kurar nan aven itimra, dagh ami. <sup>18</sup> Kî uan navir ghurim miġei. Kî fo, bizir aghuitam nan aven itir puvati. Kamaghîn amizi, kî arazir aghuibar amuasa ifuegha, dar amuamin gavgav-iba pu. <sup>19</sup> Arazir aghuir kî damuasa ifongeziba, kî dagh amir pu. Egha arazir kurar kî damuasa ifongezir puvatiziba, kî dagh ami. <sup>20</sup> Arazir kî aghuaziba, kî dagh amua, kamaghîn fo, kî uabî kamaghîn amir pu. Puvati. Arazir kurar nan aven itimra, dagh ami.

<sup>21</sup> Kamaghîn amizi kî gari, arazir kam guizbangîra nan ingari: kî arazir aghuibar amuasa ifongezi, arazir kuram zurara na ko ikia nan tuavim apiri. <sup>22</sup> Guizbangîra, nan navir averiamîn aven, Godin otivir Moses Osirizir Araziba, kî dagh niġhniġhavîra ikia da bagha bar akonge. <sup>23</sup> Kamaghîn, kî arazir igharazimîn garima, a nan mikarzimîn aven ingari. Egha Godin miġiriġiar nan niġhniġzimîn aven itibav sosi. Arazir igharazir kam, na gamima, Moses Osirizir Arazibar otozir arazir kuram, a nan mikarzimîn aven ingara na ikiagharigha na gatifa. <sup>24</sup> Maia! Kî ghaze, kî bar ikufi! Tina nan akuraghtima, kî mikarzir ovengamin kamîn firighîrigham? <sup>25</sup> Godra, a en Ekiam Krai Iesusin ingangarimîn tuavimîn, a nan akuragham! Ezi kî God minabi!

---

**7:18:** Stt 6:5, 8:21    **7:18:** Jenesis 6:5; 8:21    **7:22:** Sng 1:2, 2 Ko 4:16, Ef 3:16    **7:22:** Onger Akaba 1:2; 2 Korin 4:16; Efesus 3:16  
**7:23:** Ro 6:13, 6:19, Ga 5:17, Je 4:1, 1 Pi 2:11    **7:23:** Rom 6:13; 6:19; Galesia 5:17; Jems 4:1; 1 Pita 2:11    **7:25:** Ro 6:13, 6:19, 1 Ko 15:57, Ga 5:17    **7:25:** Rom 6:13; 6:19; 1 Korin 15:57; Galesia 5:17

Egha ki uabi, uan niġnizim in navir averiam in aven God in miġirigabbar ingarir gumazim in iti. Egha uan navir ghurim in aven, ki uaghan Moses Osirizir Arazibar otozir arazir kuram, ki an ingangarir gumazim in iti.

## 8

### *Krais arazir kuraba aġivagha God in Duam e ganingġi*

<sup>1</sup> Kamagh in amizi e Krais Iesus ko pogheziba, God datirigh in uan kotiam in aven uam ivezir kuram e daningisi mikiman kogham. <sup>2</sup> E fo, e bar datirigh in Krais Iesus ko pueghav itiba, God in Duam in gavgavim ikirimir aghuarim e ganiga, ovevem in arazim ko arazir kuram in e firaghariki. Eghti arazir kaba ua e gativagh e ikirarighan kogham. <sup>3</sup> En navir ghuriba, gavgaviba puvati. Kamagh in amizi, Moses Osirizir Araziba, en arazir kurabar ġin amangamin gavgaviba puvati. Ezi Moses Osirizir Araziba damuan kogham in bizir kam, God uabi a gami. God uan Otarim amadazi, a gumazim in min otogha, arazir kurabagh amir gumazim in min gari. A en arazir kuraba aġivasa izezi, an ingangarim in tuavim in, God gumazamiziba itir arazir kurabar gavgavim aġivagha a gasighasiki. <sup>4</sup> Ezi e datirigh in navir ghurim in arazibar ġin zuir puvati, e God in Duam in arazibar

---

**8:1:** Ro 8:34, 8:39    **8:1:** Rom 8:34; 8:39    **8:2:** Jo 8:36, Ro 7:23-25, 2 Ko 3:6, Ga 2:19    **8:2:** Jon 8:36; Rom 7:23-25; 2 Korin 3:6; Galesia 2:19    **8:3:** Ap 13:38-39, 15:10, Ro 3:20, 2 Ko 5:21, Fl 2:7, Hi 4:15, 7:18-19    **8:3:** Aposel 13:38-39; 15:10; Rom 3:20; 2 Korin 5:21; Filipai 2:7; Hibru 4:15; 7:18-19    **8:4:** Ga 5:16, 5:25    **8:4:** Galesia 5:16; 5:25

gîn zui. God kamaghîn ifonge, Moses Osirizir Arazibar aven itir arazir aghuiba en navibar aven deragh otogham. Kamaghîn amizi God en arazir kurabar gavgavim a givagha a gasighasiki.

<sup>5</sup> Guizbangîra, navir ghurimîn arazibar gîn zuir gumazamiziba, me dughiaba bar navir ghurim ifongezir biziba baghavîra nîghnîsi. Ezi Godîn Duamîn gîn zuir gumazamiziba, me Godîn Duam ifongezir biziba baghavîra nîghnîsi. <sup>6</sup> Eghti gumazim o amizim navir ghurimîn araziba baghvîra nîghnîghîva, an aremegham. Eghti tina Godîn Duam baghvîra nîghnîghîva, a ikîrimîrir aghuarim ko navir amîrizim iniam. <sup>7</sup> Eghti gumazim o amizim navir ghurimîn araziba baghvîra nîghnîgh, a Godîn aghuaghîva an apanimîn ikiam. A Godîn otivir Moses Osirizir Arazibar gîn zuir puvatîgha guizbangîra dar gîn mangan kogham. <sup>8</sup> Gumazamizir navir ghurimîn arazibar gîn zuiba, me God ifongezir arazibar amuan kogham.

<sup>9</sup> Eghti Godîn Duam guizbangîra ian navir averiabar aven ikîti, ia ua navir ghurimîn arazibar gîn mangan kogham, ia Godîn Duam ifongezir arazibar gîn mangam. Gumazim o amizimîn navir averiam Kraisîn Duam guizbangîra an itir puvatî, a Kraisîn anav puvatî. <sup>10</sup> Ia arazir ku-

---

**8:5:** Jo 3:6, 1 Ko 2:14, Ga 5:22, 5:25      **8:5:** Jon 3:6; 1 Korin 2:14; Galesia 5:22; 5:25      **8:6:** Ro 6:21, 8:13, Ga 6:8      **8:6:** Rom 6:21; 8:13; Galesia 6:8      **8:7:** Mt 12:34, Jo 8:43, 12:39, 1 Ko 2:14, Je 4:4      **8:7:** Matyu 12:34; Jon 8:43; 12:39; 1 Korin 2:14; Jems 4:4      **8:9:** 1 Ko 3:16, 12:3, Ga 4:6, Fl 1:19, 1 Pi 1:11      **8:9:** 1 Korin 3:16; 12:3; Galesia 4:6; Filipai 1:19; 1 Pita 1:11      **8:10:** Ga 2:20, Ef 3:17, 1 Pi 4:6      **8:10:** Galesia 2:20; Efesus 3:17; 1 Pita 4:6

ram gamigha, bizir kamın ia ariaghire. Eghti Kraıs ian navir averiabar aven ikiti, God ia mikim suam, ia nan damazimın dera, eghti Godın Duam ikirimirir aghuarim ia daningam. <sup>11</sup> Godın Duam İesus mozimın a gamizi a ua dikafi, ezi Duar kamra, ian navir averiabar aven iti. Egh gumazir Kraıs gamizi a dikavizir kam, a ian ovengamin mikarzipar amuti, da ua dikavigh angamıra ikiam. God uan Duar ian navir averiabar aven itimın tuavimın, bizir kam damuam.

*Godın Duam ia gamizi, ia Godın boribar otifi*

<sup>12</sup> Kamaghın amizi, nan adarasi, e ikarvazir ingangarir mam iti. İkarvazir ingangarir kam, a navir ghurimın bizim puvati, e an gın mangıva, ia arımighiregham. İa Godın Duamın gavgavimın tuavimın, ia uan mikarzipar arazir kurabav soghti, da arımighireghti, ia angamıra ikivıra ikiam.

<sup>14</sup> E fo, gumazamizir Godın Duam men faragha zuima me an gın zuiba, gumazamizir kaba bar Godın boriba. <sup>15</sup> E kamaghın fo, Duar God ia ganingizim, a ia gamizi, ia pura ingangarir gumazamizibar otozir puvati, egh ia bizibar atiati. Puvati. Godın Duam ia gamizi, ia an boribar otifi. Egha Godın Duamın gavgavimın e an dia ghaze,

---

**8:11:** Ap 2:24, 1 Ko 3:16, 6:14, 2 Ko 4:14, Ef 2:5      **8:11:** Aposel 2:24; 1 Korin 3:16; 6:14; 2 Korin 4:14; Efesus 2:5      **8:13:** Ga 6:8, Ef 4:22, Kl 3:5      **8:13:** Galesia 6:8; Efesus 4:22; Kolosi 3:5      **8:14:** Ga 5:18      **8:14:** Galesia 5:18      **8:15:** 1 Ko 2:12, 4:6, 2 Ti 1:7, Hi 2:15      **8:15:** 1 Korin 2:12; 2 Timoti 1:7; Hibru 2:15      **8:15:** Galesia 4:5-7



“O Ame, En Afeziam!”\* 16 Godin Duam uabi, en duaba ko porozi, e uarir gun miġia ghaze, e Godin boriba. 17 E Godin boriba, egh ġin bizir aghuir God e daningasa e bagha inabaziba iniam. Bizir kaba, en avebam Kraiss da inġha ġifa. E fo, e datirighin Kraiss ko miżazir a iniziba e da ateriva, ġin a ko ziar ekiam ko dabirabir aghuim uaghan a iniam.

*E ġin Godin Nguibamin mangiva ziar ekiam ko dabirabir aghuim iniam*

18 Ki fo, ziar ekiam ko dabirabir aghuir kam God ġin en akaghti, e a ġifogham. Ezi ki kamaghin niġhnisi, bizir kam, a miżazir e datirighin isiba bar dagh afiragham. 19 Guizbangira, God ingarizir biziba bar, me dughiar God uan boriba azenim darighamim a bagha miżua, uan dapaniba feġha tintinibar gara niġhniġhisi, dughiar manamra bizir kam otivam? 20 Guizbangira, God fomira nguazimin itir biziba da tuisiġha ghaze, da bar ikufi, da pura bizir kiniba. Da uari kamaghin otozir pu. Puvati. God uabi dagh amizi da kamaghin otifi. Eġha da God damuamin bizir aghuim bagha miżuai. 21 Datirighin, nguazimin itir biziba da ovevem ko biziba kuraghirir arazimin apengan

---

\* **8:15:** Aramin akam, a Iesusin nguibamin akam, me uan afeziam dibora ghaze, “Aba.” Eġha Iesus uan Afeziam ko miġia, a kamaghin a dibora ghaze, “Aba.” Ni Mak 14:36in gan. **8:16:** 2 Ko 1:22, Ef 4:30 **8:16:** 2 Korin 1:22; Efesus 4:30 **8:17:** Ap 26:18, Ga 4:5-7, Fil1:29, 2 Ti 2:11-12, MAA 21:7 **8:17:** Aposel 26:18; Galesia 4:5-7; Filipai 1:29; 2 Timoti 2:11-12; Akar Mogomem 21:7 **8:18:** Ro 5:2, 2 Ko 4:17 **8:18:** Rom 5:2; 2 Korin 4:17 **8:19:** Kl 3:4, 2 Pi 3:13, 1 Jo 3:2 **8:19:** Kolosi 3:4; 2 Pita 3:13; 1 Jon 3:2 **8:20:** Stt 3:17-19 **8:20:** Jenesis 3:17-19 **8:21:** 2 Pi 3:13, 1 Jo 3:2 **8:21:** 2 Pita 3:13; 1 Jon 3:2

ikia, mati da kalabusin iti. Egha me kamaghin fo, dughiar God misevezimin, God biziba kalabusin itir arazir kam agivaghti, biziba bar Godin boriba ko firighireghiva dabirabir aghuarim ko ziar ekiam iniam.

<sup>22</sup> E fo, bizir God ingariziba bar moghira, mati amizim borim batasa mizazim isi moghin, da mizazim isi. Egha da bar puv tuava ara, iza datirighin oto. <sup>23</sup> Ezi bizir kabarama arair pu. Puvati, e uari uaghan arai. E Godin Duam inigha gifa, mati God e daningamin bizir aghuibar faragha zuim a e ganingi. Egha e tuavara, dughiar God e damighti e an boribar miraram otivamim, e a bagha mizuai. Dughiar kam, God en mikarzipar amighti da firighiregh ganganir igharazimin otogham. <sup>24</sup> E bizir aghuir e fogha iniamiba bagh mizuai iti, kamaghin amizi God en akura. E suam, e bizir mam bagh mizuam fogham, e tighar a iniam. Egh gumamaziziba tizim bagha bizir me inigha givazim bagh mizuam ikiam? <sup>25</sup> E fo, bizir e tighar iniamiba e guizbangira da iniam. Kamaghin amizi, e navibar suigha da bagha mizuai.

<sup>26</sup> Kamaghira, e gavgaviba puvatizir darasi, Godin Duam en akurvasi. E fozir puvati, e manmaghin biziba bagh God ko mikimam? En migirigiba otefe. Kamaghin amizi, Godin Duam uabi e bagha God ko migia, tuavara, an ararem

---

**8:23:** 2 Ko 5:2-4, Ga 5:5, Ef 1:14, 4:30    **8:23:** 2 Korin 5:2-4; Galesia 5:5; Efesus 1:14; 4:30    **8:24:** 2 Ko 5:7, Hi 11:1    **8:24:** 2 Korin 5:7; Hibru 11:1    **8:26:** Sek 12:10, Ef 6:18, Je 4:3    **8:26:** Sekaraia 12:10; Efesus 6:18; Jems 4:3

akar e mikiman asazibagh afira. <sup>27</sup> Ezi God gumazamizibar navir averiaba guizbangira dar gari. A uan Duamin nighnizim gifo. Kamaghin, an Duam Godin ifongiamin gin ghua Godin gumazamiziba bagha a ko migei.

<sup>28</sup> E fo, God bizibagh amima da virara uari inigha ingara, gumazamizir bar God gifongezibagh amima, me dera. Kar gumazamizir God ua me iniasa mikemegha givaziba, a men dia.

<sup>29</sup> Kar, gumazamizir God fomira ua me iniasa migeiba, a me ginaba, eghti me uaghan an Otarimin min ikiam. Eghti borir aviriba ikiti Kraisa uabi men avebar ekiamin min ikiam. <sup>30</sup> Ezi gumazamizir a fomira me ginabaziba, a uaghan men dia. Egha gumazamizir kaba dibora ghaze, ia nan damazimin dera. Egha gumazamizir an damazimin derazir kaba, a ziar ekiam ko dabirabir aghuim me ganingizi me a ko a isi.

*Bizitam e damuti, e God e gifongezir arazimin saghon ikian kogham*

<sup>31</sup> E bizir kabagh foghava, manmaghin mikimam? E fo, God e baghvira ikiti, tina e dikabiragh e gafiragham? Bar puvatigham. <sup>32</sup>

---

**8:27:** Sng 7:9, 139:1, Ap 1:24, 1 Ko 4:5, 1 Te 2:4, 1 Jo 5:14    **8:27:** Onger Akaba 7:9; 139:1; Aposel 1:24; 1 Korin 4:5; 1 Tesalonika 2:4; 1 Jon 5:14    **8:28:** Ro 9:11, 9:23-24, Ef 1:11, 2 Ti 1:9    **8:28:** Rom 9:11; 9:23-24; Efesus 1:11; 2 Timoti 1:9    **8:29:** Jo 17:22, 2 Ko 3:18, Ef 1:5, 1:11, Kl 1:5, 1:11, 1:18, 2 Ti 2:19, Hi 1:6    **8:29:** Jon 17:22; 2 Korin 3:18; Efesus 1:5; 1:11; Kolosi 1:18; 2 Timoti 2:19; Hibru 1:6  
**8:30:** Ro 9:24, 1 Ko 6:11, Ef 4:4, 1 Pi 2:9    **8:30:** Rom 9:24; 1 Korin 6:11; Efesus 4:4; 1 Pita 2:9    **8:31:** Nam 14:9, Sng 118:6    **8:31:** Diboboniba 14:9; Onger Akaba 118:6    **8:32:** Jo 3:16

God uan Otarimın suirazir pu. Puvati, a bar moghira e bagha ofan mın aneningizi, an areme. E fo, a uan Otarim e ganingi, a uaghan bizir aghuir igharaziba bar, da pura e daningam. <sup>33</sup> Eghti tina God inabazir gumazamizibar kotin aven akam me gasam? Puvati. God uabi gumazamizir kabav gia ghaze, ia nan damazimın dera. <sup>34</sup> Tinara e mikim suam, ia uan arazir kuramın ivezim iniam? Puvati, Krais Iesus, gumazir aremezim, God a gamizi a ua dikavigha, datirighin Godın agharir guvimın aperaghav iti. Egha anarira e bagha God ko migei!

<sup>35</sup> Krais bar e gifongeghavira iti, kamaghın amizi tina e damuti, e Krais e gifongezir arazimın saghon ikiam? Puvati. Osimtıziba e bativam, o dughiar kuram e bativam, o gumazamiziba arazir kurabar e damuam o, mitiriaba en agham o, bizir daghuamiba puvatigham o, bizir kuram e gasighasigham o, me e misoghti e arimighiram, bizir kabanang e damuti, e ti Krais e gifongezir arazimın saghon ikiam, o? Bar puvati. <sup>36</sup> Guizbangira, Godın Akinafarim mikemezi moghin bizir kaba e batifi:

“E nin gin zui, ezi bizir kam bangin,  
me zurara e misozima, e ariaghirasava ami.  
Me kamaghın nighnigha ghaze,

---

**8:32:** Jon 3:16    **8:33:** Ais 50:8    **8:33:** Aisaia 50:8    **8:34:** Sng 110:1, Ap 7:55-56, Kl 3:1, Hi 7:25, 9:24, 1 Jo 2:1    **8:34:** Onger Akaba 110:1; Aposel 7:55-56; Kolosi 3:1; Hibru 7:25; 9:24; 1 Jon 2:1  
**8:35:** Ro 8:38-39    **8:35:** Rom 8:38-39    **8:36:** Sng 44:22, 1 Ko 15:30-31, 2 Ko 4:11    **8:36:** Onger Akaba 44:22; 1 Korin 15:30-31; 2 Korin 4:11

e mati sipsipin gumaziba misueghti  
aremeghasavirama amibar min,  
me e misoghasa.”

<sup>37</sup> Bar puvati. Krai bar e gifonge, ezi bizir manam e batifi, a zurara e gamima e uan apanim dikabiri. <sup>38</sup> Guizbangira, Krai bar e gifonge, ezi nan nighnizir gavgavim kamakin, bizitam e damuti, e Krai e gifongezir arazimin saghon ikian kogham: Ovevem, o ikirimirir aghuim, o enselba, o duar kuraba, o gavgaviba itir biziba, o datirighin itir biziba, o bizir gin otivamiba, <sup>39</sup> o bizir pin itiba, o bizir vazimin itiba, o God ingarizir biziba bar, dar tongin bizitam e damuti, e God e gifongezir arazimin saghon ikian kogham. An arazir e gifongezir kam, a Krai Iesus en Ekiamin ingangarimin, e ganingi.

## **God Israelia gamizir arazim, Pol a geghari**

### 9

*(Sapta 9--11)*

*Pol Israelia ginighnigha men apangkufi*

<sup>1</sup> Ki Kraisin gumazim, kamaghin amizi ki guizbangira migei, ki ifarir puvati. Godin Duam nighnizir zuezim na ganingizi, nan navimin aven ki kamaghin fo, nan akar kam a guizbangira. <sup>2</sup> Ki zurara uan anabam bagha nighnigha, bar men

---

**8:37:** Jo 16:33, 1 Ko 15:57, 2 Ko 2:14, 1 Jo 4:4, MAA 12:11      **8:37:** Jon 16:33; 1 Korin 15:57; 2 Korin 2:14; 1 Jon 4:4; Akar Mogomem 12:11      **8:38:** Ef 1:21, Kl 1:16, 2:15, 1 Pi 3:22      **8:38:** Efesus 1:21; Kolosi 1:16; 2:15; 1 Pita 3:22

apangkuvigha, osemegha nan navir averiam ikufi. <sup>3</sup> Ki kamaghin bar ifonge, God nan anabam Israel, ua men iniam. Eghti Kraiis nan nighnizimin gin mangan koghti, ki an azangsigh a ko mikimti, a uan gumamazibar tongin na batueghti, nan anabam Israel nan danganim iniam. Bizir kam men akurazi, kamaghin deraghai. <sup>4</sup> Me Israelin gumamaziba, ezi God me dibora ghaze, me an boriba. Ezi me Godin ziar ekiam a ko a inigha gifa. Ezi God uan Akar Dikirizir Gavgavim me ko a gami. Egha Moses Osirizir Araziba isa, me ganingi. Egha uan ziam fer arazim men akagha, me ko akam akiri. <sup>5</sup> Men ovavir faragha itiba, bar ziar ekiaba iti. Ovavir kabar iza, Gumazir God Uam E Iniasa Misevezim, Kraiis nguazir kamın gumazimin min men ikizimin aven oto. Kraiis a God, egha biziba bar dar dapanimin iti. Eghti e zurazurara Kraiisin ziam fam!\*

*God Israelia gamir arazim, Pol an gun migei*

<sup>6</sup> Ki kamaghin migeir puvati, Godin akar dikirizim pura ghua otozir pu. Puvati. E fo, gumamazir maba Israelin anabamin aven ikia,

---

**9:3:** Kis 32:32    **9:3:** Ua Me Ini 32:32    **9:4:** Kis 4:22, 9:4, Lo 7:6, 14:1-2, Ap 3:25, 13:22, Ef 2:12, Hi 8:8-10, 9:1    **9:4:** Ua Me Ini 4:22; 9:4; Godin Araziba 7:6; 14:1-2; Aposel 3:25; 13:22; Efesus 2:12; Hibru 8:8-10; 9:1    **9:5:** Mt 1:1-16, Jo 1:1, Ro 1:25    **9:5:** Matyu 1:1-16; Jon 1:1; Rom 1:25    \* **9:5:** Gumazir maba nighnigha ghaze, vezin kamın migirigiar otevir abuananam e kamaghin a gighi suam, “God biziba bar dar dapanimin iti. Eghti e zuraram an ziam fi mangivira ikiam.”    **9:6:** Nam 23:19, Jo 8:39, Ro 2:28, 3:3, Ga 6:16    **9:6:** Diboboniba 23:19; Jon 8:39; Rom 2:28; 3:3; Galesia 6:16

guizın Israelia puvati. <sup>7</sup> Abrahamın ovaviba, men marazi guizbangıra Godın boriba puvati. Fomira God kamaghın Abraham mikeme, “Aisakra, nın ovavir boriba otivam.” <sup>8</sup> Akar kamın mingarim kamaghın ghu, borir inivafızımın otiviziba, me Godın boriba pu. Puvati. Borir Godın akar dikirizimın otiviba, me guizbangıra Abrahamın ovaviba. <sup>9</sup> Ezi akar dikirizim kamaghın ghu, “Dughiar ki inabazımın, ki uamategh iziti, Sara otarım batam.”

<sup>10</sup> Kamaghıra, akar igharazir mam kamaghın iti: Rebekan otarir pumuning afeziar vamıran oto, a en ovavim, Aisak. <sup>11-12</sup> God arazir a zurara amımın gın ghua, gumazamiziba uan niğhnizimın me ginabi. A gumazamizibar ingangarim bagha niğhnizir pu. Puvati. A uabi men diava me ginabi. Kamaghın amizi Rebeka tıghar otarir pumuning batamın dughiamın, aning arazir kuratam o arazir aghuim gamizir puvatızı, God kamaghın Rebeka miğei, “Otarir faragha irizim, otarir gın irizimın ingangarir gumazımın mın ikiam.” <sup>13</sup> Bizir kam, Godın Akinafarım kamaghın mikeme, “Ki Jekop gifuegha, Ison aghua.”

<sup>14</sup> Kamaghın amizi e manmaghın mikimam? E suam, God ti arazir kuram gami? Bar puvati!

---

**9:7:** Stt 21:12, Ga 4:23, Hi 11:18      **9:7:** Jenesis 21:12; Galesia 4:23; Hibru 11:18      **9:8:** Ga 4:23      **9:8:** Galesia 4:23      **9:9:** Stt 18:10, 18:14      **9:9:** Jenesis 18:10; 18:14      **9:10:** Stt 25:21      **9:10:** Jenesis 25:21      **9:11-12:** Jenesis 25:23      **9:13:** Lo 21:15, Mal 1:2-3, Lu 14:26      **9:13:** Godın Arazıba 21:15; Malakai 1:2-3; Luk 14:26  
**9:14:** 2 Sto 19:7, Jop 8:3, 34:10, Sng 92:15      **9:14:** 2 Eghaghanıba 19:7; Jop 8:3; 34:10; Onger Akaba 92:15

15 Guizbangira, God kamaghin Moses migei, “Ki gumazamizitabar kuarkuvighsi, ki men kuarkuvam. Ki gumazamizitabar apangkuvsi, ki men apangkuvam.” 16 Kamaghin amizi God gumazitam o amizitam ginabaghsi, an an nighnizim ko an ingangarimin gara a ginabir pu. Puvati. God uan apangkuvimra gin ghua gumazamizibagh inabi. 17 Guizbangira, Godin Akinafarimin itir akam Isipin atrivim migia ghaze, “Ki kamaghsua ifonge, ki uan gavgavim isi ian akagham, eghti nguazir kamin danganiba bar, dar gumazamiziba nan ziar ekiam geghanam. Kamaghin amizi, ki ia ataghizi ia ikiavira iti.” 18 Kamaghin amizi e fo, God gumazitam o amizitam in apangkuvighsi ifuegh, an apangkuvam. Egh a gumazitam o amizitam damighti an dapanim gavgavigh an akam batoghsi ifuegh, a damuam.

19 Ian tav ti na mikim suam, “God kamaghin amigha, tizimsua e migia ghaze, ‘Ia uan arazir kurabar ivezim iniam?’ Gumazitam o amizitam Godin ifongiam iriaghan kogham.” 20 Ia gumazamizir kiniba! Ia Godin arazir an amizim bagh an ataran marki! Nguazir minem kamaghin gumazir an ingarizimin mikiman kogham, “Ni tizim bagha kamaghin nan ingari?” 21 Nguazir minemin ingarizir gumazim, a uan nighnizimin gin mangi

---

**9:15:** Kis 33:19    **9:15:** Ua Me Ini 33:19    **9:16:** Ef 2:8    **9:16:** Efesus 2:8    **9:17:** Kis 9:16, Ga 3:8, 3:22    **9:17:** Ua Me Ini 9:16; Galesia 3:8; 3:22    **9:18:** Kis 4:21, 9:12, 14:4    **9:18:** Ua Me Ini 4:21; 9:12; 14:4    **9:19:** 2 Sto 20:6, Jop 23:13, Dan 4:35    **9:19:** 2 Eghaghaniba 20:6; Jop 23:13; Daniel 4:35    **9:20:** Ais 29:16, 45:9, 64:8    **9:20:** Aisaia 29:16; 45:9; 64:8    **9:21:** Jer 18:6, 2 Ti 2:20  
**9:21:** Jeremaia 18:6; 2 Timoti 2:20



mīner pumuning ingarigham. A nguazitam inigh, mīner pumuning ingarighti, tam dughiar ekiam bagh ikiti, igharazim, me pura bizir kuraba zuraram a mīkinam. Kar an niḡnizim.

<sup>22</sup> God uaghan kamaghīram ami. God kamaghsua, a uan aningagharim azenim datightima, gumazamiziba bar an gavgavir ekiam gifogham. Nguazir mīner ivezir kuram iniamiba, kar gumazamizir an asighasighasava amiba, a dughiar ruarim me ganīngi. Egh a ḡin me abighīrarigham.

<sup>23</sup> A kamaghsua, an ziar bar ekiam ko dabirabir aghuim azenim girighti, gumazamiziba bar a gifogham. A fomira uan ziar ekiam ko dabirabir aghuim e a ko da iniasa, gumazim nguazir mīneba akirizi moghin, an en navibar akiri. Egha uan ziar ekiam ko dabirabir aghuim isa, nguazir mīner an apangkuvim itibagh ingezi, da bar izifa.

<sup>24</sup> Nguazir mīner apangkuvim iniamin kaba, kar e gumazamizir God deiba. E Israelia merara men tongin izezir puvati, e uaghan Kantrin Igharazibar Gumazamizibar tongin ize. <sup>25</sup> Ezi Hosean akīnafarimīn, God kamaghīn miḡei:

“Gumazamizir fomira nan adarazi puvatiziba,  
datirighin ki me dipon suam, ia nan adarasi.  
Kantrin ki fomira aghuazir kam, ki ḡin me mīkim  
suam,  
ia ki bar ifongezir darasi.

<sup>26</sup> Ia faragha danganir mamīn itima, ki ia miḡia  
ghaze,

---

**9:23:** Ro 8:28-30, Ef 1:3-12, Kl 1:27    **9:23:** Rom 8:28-30; Efesus 1:3-12; Kolosi 1:27    **9:25:** Hos 2:23, 1 Pi 2:10    **9:25:** Hosea 2:23; 1 Pita 2:10    **9:26:** Hos 1:10    **9:26:** Hosea 1:10

‘Ia nan adarazi puvati.’

Egh danganir kamnaghira ki ia mikim suam,

‘Ia Godin zurazurara angamira itimin boriba.’”

27-28 Aisaia Israelia ginighnigha kamaghin akam akuri, “Guizbangira, Ekiam dughiar vamira gumazamizir nguazimin itiba bar men araziba tuisigh, zuamira men ivezir kuram isi me danighiva bar me gasighasigham. Fomira, Israelian gumazamiziba, mati ongarimin itir gigimin min bar aviraseme, ezi pura bizim, me marki. Ekiam men ikiavira itir varazira, ua me iningham.” <sup>29</sup> Bizir kaba Aisaia fomira mikemezi moghin otifi, a kamaghin migei, “Ekiar Gavgavir Ekiam Itim, en tarazi ataghizir puvatizi, e itir puvatighai. Ezi bar guizbangira, e bar gevegha givaghai, mati bar fomira Sodom ko Gomoran nguibamning bar ikufi.”

### *Israelia nighnizir gavgavim itir puvati*

<sup>30</sup> E manmaghin mikimam? E kamaghin mikimam, Kantrin Igharazibar Gumazamiziba, Godin damazimin deraghasa ingangarir ekiam gamizir puvati. Me nighnizir gavgavim Godin itima, God ghaze, me nan damazimin dera. <sup>31</sup> Ezi Israelia me Moses Osirizir Arazibar gin ghua

---

**9:27-28:** Ais 10:22-23      **9:27-28:** Aisaia 10:22-23; Rom 11:5

**9:29:** Ais 1:9, 13:19, Jer 50:40      **9:29:** Aisaia 1:9; 13:19; Jeremaia 50:40      **9:30:** Ro 1:17, 4:11, 10:20      **9:30:** Rom 1:17; 4:11; 10:20

**9:31:** Ro 10:2-3, 11:7, Ga 5:4      **9:31:** Rom 10:2-3; 11:7; Galesia 5:4

ingara, Godin damazimin deraghasa tuavim buri-ava, a batozir puvati. <sup>32</sup> Manmaghin amizi, me a batozir puvati? Me Godin damazimin deraghasa, uan gavgavibar pamtem ingarava avenge. Me nighnizir gavgavimin tuavimin gin zuir puvati. Dagiar dagariba asim, me a gasaghpোরaghiri. <sup>33</sup> Godin Akinafarim bizir kam migia ghaze:

“Ia oragh!

Ki gumazamiziba asaghpোরir dagiar mam amisevegha  
a isa Saionin Mighsiamin anefa.

Dagiar kam a gumazamizibagh amima, me asaghp-  
pora daighiri.

Egh gumazamizir nighnizir gavgavim an  
itiba,  
me aghumsighan kogham.”

## 10

*Israelia Godin Araziba deravira dagh fozir puvati*

<sup>1</sup> Nan adarasi, God ua Israelia iniasa ki uan navir averiamin aven bar ifuegha, me bagha God ko migei. <sup>2</sup> Ki bar deragha Israelia gifogha kamaghin migei, me Godin Arazibar gin mangasa bar gavgafi. Egha me guizin God ifongezir arazim gifozir puvati. <sup>3</sup> Me, tuavir God ghaze e an

---

**9:32:** Ais 8:14, Lu 2:34, 1 Ko 1:23    **9:32:** Aisaia 8:14; Luk 2:34; 1 Korin 1:23    **9:33:** Sng 118:22, Ais 8:14, 28:16, Mt 21:42, Ro 10:11, 1 Pi 2:6-8    **9:33:** Onger Akaba 118:22; Aisaia 8:14; 28:16; Matyu 21:42; Rom 10:11; 1 Pita 2:6-8    **10:2:** Ap 21:20, 22:3, Ga 1:14, 4:17  
**10:2:** Aposel 21:20; 22:3; Galesia 1:14; 4:17    **10:3:** Ro 1:17, 9:30-32, Fl 3:9    **10:3:** Rom 1:17; 9:30-32; Filipai 3:9

damazimın derazim, me a gıfızir puvati. Egha uan gavgavibar, Godın damazimın deraghasa tuaviba buri. Kamaghın amızı me Godın damazimın deraghamın tuavimın apengan itir puvati. <sup>4</sup> E fo, Kraıs Moses Osirizir Arazibagh amızıma, dar gavgavım gıfa. Kamaghın, tina nıghnızir gavgavım Kraısın iti, anarıra Godın damazimın deragham.

<sup>5</sup> Gumamazir Godın damazimın deraghasa Moses Osirizir Arazibar gın zuiba, Moses me mıgıa kamaghın osiri, “Gumamazıba Moses Osirizir Arazıba mıgei moghın damu egh dughiaba zurara dar amuti, arazir kaba me damuti, me ikıvıra ikıam.” <sup>6</sup> Kar Godın Akınafarımın akar otevir mam, a gumamazir nıghnızir gavgavımın tuavımın Godın damazimın derazıba, a kamaghın me mıgei, “İa uan navir averıabar kamaghın mıkımam markı, “Tina Godın Nguıbamın ghuavanangam?” (Akar kam kamakın, nı Kraıs e bagh izıghırısı, nı mangıva an azangam?) <sup>7</sup> “Egh nı uaghan kamaghın mıkıman markı, “Tina Gumamazir Oveaghuezıbar Nguıbamın magıram?” (Akar kam kamakın, nı ovevemın mozımın mangı, Kraıs inıgh anangam?) <sup>8</sup> Ezi Godın Akınafarım kamaghın mıgei, “Godın akam bar nın boroghıra iti, a nın akatorım ko nın navir averıamın aven iti.” Kar nıghnızir gavgavımın akar e ia mıgeım. <sup>9</sup> Nı uan akamın kamaghın mıkım suam, “İesus a nan Ekıam,” egh uan navir

---

**10:4:** Mt 5:17, Jo 3:18, Ga 3:24      **10:4:** Matyu 5:17; Jon 3:18; Galesia 3:24      **10:5:** Wkp 18:5, Neh 9:29, Ese 20:11-13, Ro 7:10, Ga 3:12      **10:5:** Ofa Gami 18:5; Nehemia 9:29; Esekiel 20:11-13; Rom 7:10; Galesia 3:12      **10:6:** Godın Arazıba 30:12-14      **10:9:** Mt 10:32, Lu 12:8, Ap 8:37      **10:9:** Matyu 10:32; Luk 12:8

averiamin aven nighnizir gavgavim iki, kamaghin fogh, God Iesus gamizi a mozim in ua dikafi, eghti God nin akurvaghti, ni ikivira ikiam. <sup>10</sup> E fo, ni navir averiamin nighnizir gavgavim Iesusin ikiti, God suam, ni nan damazimin dera. Egh uaghan ni uan akatorimin suam, “Iesus nan Ekiam,” eghti God nin akuraghti, ni ikivira ikiam. <sup>11</sup> Godin Akinafarim kamaghin migei, “Gumazamiziba nighnizir gavgavim an itiba, me aghumsighan kogham. Puvati.” <sup>12-13</sup> Godin Akinafarim ghaze, “Ekiamin ziamin diaghamin adarasi, a men akurvagham.” Kamaghin amizi, Godin vamira iti, a bar en Ekiam. Eghti gumazamizir an deiba, a bar bizir aghuir aviriba men akurvagham. Judaba ko Kantrin Igharazibar Gumazamiziba, Godin damazimin magh gari.

<sup>14</sup> Ezi manmakin? Gumazamizir nighnizir gavgavim Godin itir puvatiziba, me manmaghin an ziamin dimam? Egh gumazamizir eghaghanim baraghizir puvatiziba, me manmaghin nighnizir gavgavim an ikiam? Eghti gumazamizitaba Akar Aghuim me mikinighan koghti, me manmaghin a baregham? <sup>15</sup> Eghti siosba Akar Aghuim akurir gumazamiziba amangan koghtima, me manmaghin akamin gun me mikimam? Godin Akinafarimin aven Aisaia kamaghin osiri, “Godin Akar Aghuim inigha izir gumazamizibar darorim, a bar dera.”

---

**10:11:** Ais 28:16, Jer 17:7, Ro 9:33    **10:11:** Aisaia 28:16; Jeremaia 17:7; Rom 9:33    **10:12-13:** Joel 2:32; Aposel 2:21; 9:14; 10:36; 15:9; Rom 3:22; 3:29; Galesia 3:28    **10:15:** Ais 52:7, Nah 1:15    **10:15:** Aisaia 52:7; Nahum 1:15

*Israelia Akar Aghuim inizir puvati*

<sup>16</sup> Ezi Israelian marasi me Godin Akar Aghuim inizir puvati. Aisaia uabi kamaghin migei, “Ekiam, tinara en Akar Aghuim nighnizir gavgavim an iti?”

<sup>17</sup> Kamaghin e fo, nighnizir gavgavim a gumazamiziba Akar Aghuim barazir tuavimin izam. Eghti gumazamizir Kraisin akam akuribar tuavimin, gumazamiziba Akar Aghuim baregham.

<sup>18</sup> Ezi ki ian azai, Israelin gumazamiziba me Godin Akar Aghuim, me uan kuaribar a baraghizir puvati, o? Ki ghaze, me guizbangira oraki. E fo, Godin Akinafarim kamaghin migei:

“Akam inigha izir gumazibar akatoribar otivir  
migi rigiaba,  
da ghua nguazir kamın nguibaba bar dar  
otozi,  
gumazamiziba bar, men kuariba a  
baraki.”

<sup>19</sup> Ezi ki ua ian azai, Israelia me ti akar kamın mingarim gifozir puvati, o? Puvati. Me fos. Moses God bagha faragha kamaghin mikeme:

“Ki Kantrin Igharazibar Gumazamizir ziaba  
puvatigha pura bizibar mın itiba ki me  
inightima,  
ian naviba bar ikuvigham.

---

**10:16:** Ais 53:1, Jo 12:38, Hi 4:2    **10:16:** Aisaia 53:1; Jon 12:38; Hıbru 4:2    **10:17:** Jo 17:20    **10:17:** Jon 17:20    **10:18:** Sng 19:4, Mt 24:14, Mk 16:15, Kl 1:6, 1:23    **10:18:** Onger Akaba 19:4; Matyu 24:14; Mak 16:15; Kolosi 1:6; 1:23    **10:19:** Lo 32:21, Ro 11:11, Ta 3:3    **10:19:** Godin Araziba 32:21; Rom 11:11; Taitus 3:3

Ki gumamazir fofoziba puvatiziba inightima,  
 bizir kam ia damighti  
 ia ataram.”

20 Ezi Aisaia uaghan Akar Gavgavimın kamaghın  
 migei:

“Gumamazir na burir puvatiziba,  
 me nan api.  
 Gumamazir na bagha azai puvatiziba,  
 ki uabi men aka.”

21 Egha a Israelia ginighnigha kamaghın migei:

“Ki zurara dughiabar men suigh me mughasa me  
 baghavira ikia  
 uan dafarim amadagha men azangsighavira  
 itima,  
 me nan akaba barazir puvatigha  
 akirim ragha na gasara.”

## 11

*God Israelian tongin itir varaziran apangku-  
 vigha, ua bagha me amisefe*

<sup>1</sup> Kamaghın amizi, ki bizir kam ginighnigha  
 ian azai, God uan gumamaziziba batosi, o? Bar  
 puvatı! Ki uabi Israelin gumazir mam, egha

---

**10:20:** Ais 65:1, Ro 9:30    **10:20:** Aisaia 65:1; Rom 9:30    **10:21:**  
 Ais 65:2    **10:21:** Aisaia 65:2    **11:1:** 1 Sml 12:22, Sng 94:14, Jer  
 31:37, 2 Ko 11:22, Fl 3:5    **11:1:** 1 Samuel 12:22; Onger Akaba  
 94:14; Jeremaia 31:37; 2 Korin 11:22; Filipai 3:5

Abrahamin ovavim, ki Benjaminin anabar gumazir mam. <sup>2</sup> God uan gumazamizir fomira ua bagha miseveziba, a me batozir puvati. Ia Elaijan eghaghanir Godin Akinafarimin itim ginighnigh. Elaija Israelian osemegha me bagha pamtem God azangsiha ghaze, <sup>3</sup> “Ekiam, Israelia nin akam inigha izir gumazibav soghezi me ariaghirezi, me nin ofa gamir dakozi bagh asighasiki. Ezi ki uabira ni bagha ikiavira itima, me na misoghasava ami.” <sup>4</sup> Ezi God manmaghin an akam ikara? A ghaze, “Ki ua bagha Israelian tongin itir gumazir 7,000in varazira amisevezi, me Israelin ikiavira iti. Me asem Baal bagha teviba apirizir puvati.” <sup>5</sup> Kamaghira, dughiar kamin uaghan Israelian tongin ikiavira itir varazira, God men apangkuvigha, ua bagha me amisefe. <sup>6</sup> Guizbangira, God men apangkuvigha me amisefe. A me amir ingangaribagh nighnizir puvati. God gumazamiziba misevir arazim, gumazamiziba amir ingangarimin tuavimin otoghti, Godin apangkuvimin tuavim, a guizbangira otoghan kogham.

<sup>7</sup> Ezi manmakin? Israelia Godin damazimin deraghamin bizim bagha pamtem ingara, egha a inizir puvati. Ezi Israelian avirimin tongin itir God misevezir varazira, merara a ini. Israelin igharaz darasi, naviba gavgavigha Godin

---

**11:2:** Sng 94:14, Ro 8:29      **11:2:** Onger Akaba 94:14; Rom 8:29  
**11:3:** 1 Kin 19:10, 19:14      **11:3:** 1 Atriviba 19:10; 19:14      **11:4:**  
1 Kin 19:18      **11:4:** 1 Atriviba 19:18      **11:5:** Ro 9:27      **11:5:**  
Rom 9:27      **11:6:** Ro 4:4-5, Ga 3:18      **11:6:** Rom 4:4-5; Galesia  
3:18      **11:7:** Ro 9:31, 10:3      **11:7:** Rom 9:31; 10:3



dĩndiamĩn aghua. <sup>8</sup> Godĩn Akinafarimĩn osizirim  
iti:

“God me gamizi, me mati gumazamizir aremeziba  
moghĩn akui.

Ezi men damaziba bizibar garir puvatĩzi,  
men kuariba biziba barazir puvatigha,  
iza datirighĩn tu.”

<sup>9</sup> Ezi Devit Godĩn Akinafarimĩn aven kamaghĩn  
migei:

“Kamaghĩn deragham, dughiar me isar ekiaba  
bagha uari akuvibar,  
men isar ekiar kaba me damuti  
me iri,  
mati azuazim asizim a misoke.  
Me iriva,  
uan arazir kurabar ivezim iniam.

<sup>10</sup> Eghti God men damazibar amighti  
aminim men pirighti,  
me ua ganan kogham.

A me damuti  
me osimtiziba ateriva  
akiraghariba avigh  
mamaghira ikiam.”

*God Kantrin Igharazibar Gumazamiziba ua me  
ini*

---

**11:8:** Lo 29:4, Ais 29:10, Jer 5:21, Jo 12:40, Ap 28:26-27      **11:8:**  
Godĩn Araziba 29:4; Aisaia 29:10; Jeremaia 5:21; Jon 12:40; Aposel  
28:26-27      **11:9:** Sng 35:8      **11:9:** Onger Akaba 35:8      **11:9:**  
Onger Akaba 69:22-23

11 Kì ua ian azai, Israelia asaghporegh iregh mamaghira iki, ua daruan kogham, o? Bar pu-vati! Guizbangira, men arazir kuraba bangin Godin akurvazim Kantrin Igharazibar Gumamazibar ize. God kamaghin ifonge, Israelia na bagh ua izam, kamaghin a Kantrin Igharazibar Gumamazibar akurvaghti, me men gan naviba ikuvigh ua na bagh izam. 12 Israelia akirim God gasarazima, God bizir aghuir aviriba nguazir kamìn itir gumamazibar akura. Israelia Godin arazimìn irezi, God akurvazir ekiam Kantrin Igharazibar Gumamazibagh aningi. Kamaghin amizi, gin Israelian God miseveziba bar God bagh ua izeghti, God guizbangira bizir bar aghuir aviribar gumamazibar amuam.

13 Ia Kantrin Igharazibar Gumamaziba, kìa iami, God ian tongin ingarasa na amadazi ingangarir kìa amir kam, kìa bar a gifonge. 14 Tuavir kamìn, kìa uan adarazir nighnizibar amuti, men naviba God ia gamizir arazir aghuim bagh dikavam. Eghti nan ingangarir kamìn, God men tarazi ua me iniam. 15 God Israelia batuegha, nguazimìn itir gumamazibagh amizima me a ko navir vamira iti. Kamaghin amizi gin God ua Israelia inighti, bar deragham, mati God gumamazir aremezibar amighti, me ua dikavam. 16 Ni Bretin ingar, egh plauan atiaritam inigh faragh a isi ofan mìn God daningigh. Eghti arazir kamnangin Bretin igharaziba uaghan Godin biziba. Eghti, gumazitam temer biba God

---

**11:11:** Ap 13:46, 22:18, 22:21, Ro 10:19    **11:11:** Aposel 13:46; 22:18; 22:21; Rom 10:19    **11:16:** Nam 15:17-21, Ese 44:30    **11:16:** Diboboniba 15:17-21; Esekiel 44:30

daningti, an aguaba uaghan Godin biziba.

17 Israelia mati olivin temer aghuir mam, ezi God an aguar maba aghoraghariki. Ezi ia Kantrin Igharazibar Gumazamiziba mati ruarimin itir olivin temer atiamin aguaba. God ia inigha olivin temer aghuimin aguar a dighorezibar danganimin ia isavsuiki. Ezi ia datirighin olivin temer aghuimin bimin daghem isa, mati olivin aguar faragha ikezibar min deragha iti. 18 Ia kamaghin nighnighan marki, ia bar deragha guizin olivin tememin aguabagh afira. Ia faragh deravira nighnigh, egh nighnizir kam damu. Ia olivin aguaba daghem olivin bim ganidir pu. Puvati. Temer bim daghem ia ganidi.

19 Eghti ia ti kamaghin mikimam, God e isa, temer aguar kabar danganimin e isavsuiraghasa, kamaghin ana dar aghore. 20 Guizbangira, God kamaghin ami. Arazir an amizir kamın mingarim kamakin, me nighnizir gavgavim Godin itir puvatizi, a me aghore. Ezi ia nighnizir gavgavim Godin ikia, egha deravira iti. Kamaghin amizi ia deragh uari bagh gan, uari uan ziaba fan marki. Ia atiatingti deragham. 21 Ia nighnigh, God fomira guizin olivin aguaba ataghizima, da ikezir puvati. Kamaghira, ia akaba batoghtima a ia ateghti ia ikian kogham.

22 Kamaghin amizi ia deravira nighnigh. God

---

**11:17:** Jer 11:16, Ap 2:39, Ef 2:11-19    **11:17:** Jeremaia 11:16; Aposel 2:39; Efesus 2:11-19    **11:18:** Jo 4:22, 1 Ko 10:12    **11:18:** Jon 4:22; 1 Korin 10:12    **11:20:** Ais 66:2, Ro 12:16, Fl 2:12    **11:20:** Aisaia 66:2; Rom 12:16; Filipai 2:12    **11:22:** Jo 15:2-4, 1 Ko 15:2, Hi 3:14    **11:22:** Jon 15:2-4; 1 Korin 15:2; Hibru 3:14

arazir aghuibagh amua, uaghan ivezir kuraba anıdi. Gumazamizir an arazibar gın zuir puvatiziba, a ivezir kuram me ganıdi. Ia an arazir aghuibar suiragh tugh gavgavightıma, an arazir aghuibar ia damuam. Ia dar amuan koghtıma, a uaghan ia aghoregham. <sup>23</sup> Olivın temer aguar a fomıra dıghoreziba, me nıghnızir gavgavim Godın ikian koghamın arazim ateghtı, a ua me inıgh olivın tememın me isavsuiragham. Guizbangıra, God me inıgh ua tememın me isavsuiraghamın gavgavim iti. <sup>24</sup> Ia fo, ia fomıra ruarımın itir olivın atiamın aguaba, ezi God ia aghoregha olivın aghuımın ia isavsuike. Kar guizbangıra ian temem pu. Kamaghın amızı, a temer kamın aguar faragha an ikezibara inıgh ua da isavsuiğham, kar ingangarir ekiam puvati, a pura bizim.

*God uan apangkuvim bar gumazamizibar ak-  
aghasa ifonge*

<sup>25</sup> Nan adarasi, ia guızın akar mogomer mam gifoghasa ki ia mıgei. Ia a gifoghıva, kamaghın mikıman kogham, ia fofozir ekiam iti. Akar kam kamakın: Israelın marazi datırıghın nıghnızir gavgavim ikian aghua; men arazir kam zurara ikivıra ikian kogham. Me kamaghıra iki mangı, Kantrin Igharazibar Gumazamizir God mıseveziba bar God bagh izamın dughiamın tugham. Eghtı me gın Godın gumazamizibar tongın ikiam. <sup>26</sup> Tuavir

---

**11:23:** 2 Ko 3:16    **11:23:** 2 Korin 3:16    **11:25:** Lu 21:24, Jo 10:16, Ro 12:16, 2 Ko 3:14, MAA 7:9    **11:25:** Luk 21:24; Jon 10:16; Rom 12:16; 2 Korin 3:14; Akar Mogomem 7:9    **11:26:** Sng 14:7, Ais 59:20, Mt 23:39    **11:26:** Onger Akaba 14:7; Aisaia 59:20

kamnangra God Israelia bar men akurvaghäm.  
Godin Akinafarim kamaghin mikeme:

“Akurvazir Gumazim Jerusalemın ikegh izam.  
Egh a Jekopin ovavir boribar amightima  
me Godin akam barazir puvatızir arazim  
ategham.

<sup>27</sup> Ki men arazir kuraba bar da agıvaghıva,  
egh dughıar kamın uan Akar Dikırızir Gav-  
gavir kam me ko a damuam.”

<sup>28</sup> Israelia Iesusin Akar Aghuim akirim a  
gasaragha mati Godin apaniba. Ezi men arazir  
kam Kantrin Igharazibar Gumamazıbar akura.  
God fomıra uan gumamazıba amısevegha,  
me gifueghavıra iti. A men ovavir fomıra  
itibagh nıghnıgha kamaghin ami. <sup>29</sup> God diazir  
gumamazıba, a bizir aghuıba me ganıngi, egh  
a gın uamategh uan nıghnızim giragh kamaghin  
mikıman kogham, ia marki, ki uan dimdiam ko  
bizir aghuıba ua da iniam. <sup>30</sup> Ezi ia Kantrin  
Igharazıbar Gumamazıba, ia fomıra Godin  
akam batoghezi, datırıghin Israelia a batosi.  
Ezi tuavir kamın ia Godin apangkuvim ini.  
<sup>31</sup> Kamaghıra, Israelia Godin akam batoke. Ezi  
Godin apangkuvir ia inizir kamın tuavımın, me  
datırıghin Godin apangkuvim uaghan a iniam.  
<sup>32</sup> God kamaghin ifonge, a uan apangkuvim  
gumamazıba bar men akagham. Kamaghin

---

**11:27:** Jer 31:33-34, Hi 8:8, 10:16    **11:27:** Jeremaia 31:33-34;  
Hıbru 8:8; 10:16    **11:30:** Ef 2:2, Kl 3:7    **11:30:** Efesus 2:2; Kolosi  
3:7    **11:32:** Ro 3:9, Ga 3:22, 1 Ti 2:4    **11:32:** Rom 3:9; Galesia  
3:22; 1 Timoti 2:4

amizi, gumazamiziba bar Godin akam batoke. God me gamizi me kamaghin amua, uan arazir kuramin apengan ikia kalabuziar gumazamizibar min iti.

### *E Godin ziam fam*

<sup>33</sup> Ame! Godin bizir aghuiba ko an fofozim ko an nighnizim, da guizbangira bar ekevegga bar pin iti! Egha ongarimin min bar kone! Gumazitam o amizitam an nighnizimin mingarim manmaghin deraviram a geghanam? Puvati. A zuraram amir araziba, gumazitam o amizitam manmaghin dagh fogham? Bar puvati! <sup>34-35</sup> Bizir kam, Godin Akinafarimin aven iti:

“Guizbangira, tina Ekiamin nighnizim gifo?

Gumazitam bizibar amuamin fofozim  
Ekiamin sure damuan kogham.

Gumazitam an faragh mangi nighniziba a  
daningan kogham.

Bar puvati!”

<sup>36</sup> E fo, God uan dafarimin biziba bar dar ingari, egha dar mingarim, ezi da a baghavira ikia, mamaghira iti. Kamaghin amizi e zurazurara ziar ekiam a daning mamaghira ikiam! Bar guizbangira.

## **Pol ghaze, Kraisin adarazi me arazir manabar amuam**

---

**11:33:** Jop 11:7, Sng 36:6, 92:5, Ais 55:8-9    **11:33:** Jop 11:7; Onger Akaba 36:6; 92:5; Aisaia 55:8-9    **11:34-35:** Jop 15:8; 35:7; 36:22; 41:11; Aisaia 40:13; 1 Korin 2:16    **11:36:** 1 Ko 8:6, Ga 1:5, 2 Ti 4:18, Hi 13:21, 2 Pi 3:18    **11:36:** 1 Korin 8:6; Galesia 1:5; 2 Timoti 4:18; Hibru 13:21; 2 Pita 3:18

# 12

*(Sapta 12:1--15:13)*

*E uan inivafiziba isi ofan min God daningam*

<sup>1</sup> Kamaghin amizi, nan adarasi, ki Godin apangkuvir ekiam ginighnigha, kamaghin ia gakhghori: Ia uari uan inivafiziba isi angamira itir ofan min God daningvira iki. Egh a baghvira ikiva an ingangarim damu. Egh ia God damuti, a bizir kam bagh bar akuegham. Ia uari isi God daningamin arazir kam, kar guizin arazir Godin ziam fem. <sup>2</sup> Ia nguazir kam in itir gumazamiziba amir arazibar gin mangan marki. Ia teghtima God nighnizir igiaba ia daningti ia arazir igiabar amuam. Kamaghin, ia Godin ifongiam gifogham, a kamakin: ia arazir aghuiba, ko God bar akongezir araziba, ko arazir bar deragha arazir mabagh afiraziba, ia dagh fogham.

*God ingangaribar amuasa fofoziba isa e ganingi, eghti e igharaziba bagh ingangarim deravira a damuam*

<sup>3</sup> God uan apangkuvimin gin ghua ingangarim damuasa bizir aghuim na ganingizi, ki vaghvagh kamaghin ia mikimasa. Ia uari fiva pin uari arighan marki. Ia deragh nighnighiva, God

---

**12:1:** Sng 50:13-14, Jo 4:24, Ro 6:11-13, 1 Ko 6:13, 6:20, Hi 10:20, 1 Pi 2:5    **12:1:** Onger Akaba 50:13-14; Jon 4:24; Rom 6:11-13; 1 Korin 6:13; 6:20; 1 Pita 2:5    **12:2:** Ef 1:18, 4:23, 5:10, 5:17, Kl 1:21, 1 Pi 1:14, 1 Jo 2:15    **12:2:** Efesus 1:18; 4:23; 5:10; 5:17; Kolosi 1:21; 1 Pita 1:14; 1 Jon 2:15    **12:3:** 1 Ko 3:10, 12:7, 12:11, Ga 2:9, Ef 4:7  
**12:3:** 1 Korin 3:10; 12:7; 12:11; Galesia 2:9; Efesus 4:7

ia ganingizir nighnizir gavgavimın ganıva, tu-  
 avir kamın ia uari tuisıgh. <sup>4</sup> E fo, inivafızir  
 vamıra itima, an aven soroghafariba ko bizir  
 maba sara iti. Ezi inivafızir kamın aven itir  
 bizir kaba, vaghvagha ingangarir igharazibagh  
 ami. <sup>5</sup> Kamaghıra, e gumamazir avırıba ikia,  
 datırıghın Kraıs ko porogha inivafızir vamıran  
 mın oto. Egha inivafızir kamın aven itir bizir  
 kabar mın, e uari inıgha Kraısın poroghav iti.  
<sup>6</sup> Kamaghın amızı, God uan apangkuvimın gın  
 ghua ingangaribar amuasa fofozıba isa mati bizir  
 aghuıbar mın vaghvagha e ganıngi. Eghtı gu-  
 mazitam o amızitam, Godın akam inıgha izir fo-  
 fozim ikıva, a uan nighnizir gavgavimın mırara  
 deravıra Godın akamın gun me mikımam. <sup>7</sup> Eghtı  
 gumazim o amızim igharazıbar akurvaghamin  
 fofozim ikıva, a deravıra men akurvagh. Eghtı  
 gumazim o amızim igharazıbar sure damuamin  
 fofozim ikıva, a deravıra men sure damu. <sup>8</sup> Eghtı  
 gumazim o amızim gavgavim igharaz darazir  
 navıbar anıngamin fofozim ikıva, a bar deravıra  
 ingangarir kam damu. Eghtı gumazim o amızim  
 bizıba isa gumamazıbagh anıdır fofozim ikıva,  
 an avırıba me danıng. Eghtı gumazim o amızim  
 ingangarımın faragha zuir fofozim ikıva, a de-  
 ravıra an apengan itir gumamazıbar ganıva in-

---

**12:4:** Ef 4:16    **12:4:** Efesus 4:16    **12:4:** 1 Korin 12:12    **12:5:**  
 1 Ko 12:27, Ef 4:25    **12:5:** 1 Korin 12:27; Efesus 4:25    **12:6:** 1 Ko  
 12:28, 13:2, 1 Pi 4:10-11    **12:6:** 1 Korin 12:28; 13:2; 1 Pita 4:10-11  
**12:6:** 1 Korin 12:4-11    **12:7:** Ap 13:1, Ga 6:6, 1 Ti 5:17    **12:7:**  
 Aposel 13:1; Galesia 6:6; 1 Timoti 5:17    **12:8:** Ap 15:32, 20:28, 2  
 Ko 9:7, 1 Pi 5:2    **12:8:** Aposel 15:32; 20:28; 2 Korin 9:7; 1 Pita 5:2



gangarir kam damu. Eghti gumazim o amizim igharaz darazir apangkuvamin fozozim ikiva, a men apangkuvsi bar akongegh mamaghira iki.

*E navir averiabar aven guizin gumazamizibagh ifongegham*

<sup>9</sup> Ia ifar gumazamizibagh ifongan marki, ia uan navir averiabar aven guizin gumazamizibagh ifongegh. Egh arazir kurabar aghuaghiva, arazir aghuibar suiragh gavgafigh. <sup>10</sup> Ia uan ikizimin aven uari uarigh ifongezı moghin, ia uaghan Kraisin adarazir aven uari uarigh ifongegh. Egh ia zurara uarira uan ziaba pirafisi pamtem ingar. <sup>11</sup> Ia pamten ingariva amirvaghan marki, Godin Duam ian navibar amuti ia zurara Ekiamin ingangarim damusi naviba dikavam. <sup>12</sup> Egh ia, bizir aghuir ia fogha iniamiba bagha mizua itiba, da bagh nighnigh bar akongegh. Egh osimtiziba izamin dughiamin, ia iki uaghan da ateriva tugh gavgavigh, egh zurara God ko mikim.

<sup>13</sup> Eghti Godin gumazamiziba biziba puvatighti, bizir ia itiba men akurvagh. Egh nguibar igharazimin gumazamiziba ian bighan izamin dughiamin, ia me inigh uan dipenibar mangi

---

**12:9:** Sng 34:14, Amo 5:15, 1 Ti 1:5, 1 Pi 1:22    **12:9:** Onger Akaba 34:14; Amos 5:15; 1 Timoti 1:5; 1 Pita 1:22    **12:10:** Fl 2:3, Hi 13:1, 1 Pi 1:22, 2 Pi 1:7    **12:10:** Filipai 2:3; Hibrı 13:1; 1 Pita 1:22; 2 Pita 1:7    **12:11:** Ap 18:25, MAA 3:15    **12:11:** Aposel 18:25; Akar Mogomem 3:15    **12:12:** Ap 2:42, Fl 3:1, 1 Te 5:16-17, Hi 3:6, 10:36, Je 1:4    **12:12:** Aposel 2:42; 1 Tesalonika 5:16-17; Hibrı 3:6; 10:36; Jems 1:4    **12:13:** 1 Ko 16:1, 2 Ko 9:1, 9:12, Hi 13:2, 13:16, 1 Pi 4:9    **12:13:** 1 Korin 16:1; 2 Korin 9:1; 9:12; Hibrı 13:2; 13:16; 1 Pita 4:9

deragh me damu. <sup>14</sup> Gumazim o amizim arazir kuramın ni damighti, ni arazir aghuimın a damusi Godin azangsigh. Egh a gasighasighsi Godin azangsighan marki. <sup>15</sup> Ia igharaz darazi bar akongeghti ia me ko bar akongegh. Egh igharaz darazi osemeghti, ia me ko osemegh. <sup>16</sup> Ia arazir vabara, gumazamiziba bar me damu. Egh uarira uari fan marki. Ia gumazamizir ziaba puvatizibar namakabar amu. Kamaghın uabi ginighnighan marki, kirara fozim iti.

<sup>17</sup> Gumazitam o amizitam arazir kuratamın ni damightima, ni uam arazir kuramın a ikarvaghan marki. Puvati. Ia zurara gumazamizibar damazimın arazir aghuibar amu.

<sup>18</sup> Ia uari navir amirizim ikıva gumazamizir igharaziba ko navir vamıra ikisi pamtem ingar. <sup>19</sup> Nan namakar aghuiba, me arazir kuram ia damighti, ia men arazir kuram ikarvaghan marki. Ia teghti, God uabi uan aningagharımın tuavımın me ikarvaghham. Ia fo, Godin Akinafarımın aven en Ekiam kamaghın migei, “Arazir kuraba ikarvaghamin ingangarım, kar nan bizim. Ki uabi men arazir kuraba ikarvagh egh ivezir kuraba me

---

**12:14:** Mt 5:44, Lu 6:28, Ap 7:60, 1 Ko 4:12, 1 Pi 3:9    **12:14:** Matyu 5:44; Luk 6:28; Aposel 7:60; 1 Korin 4:12; 1 Pita 3:9    **12:15:** Sng 35:13    **12:15:** Onger Akaba 35:13    **12:16:** Sng 131:1-2, Snd 3:7, Ais 5:21, Jer 45:5, Ro 11:20, 15:5    **12:16:** Onger Akaba 131:1-2; Aghuzir Akaba 3:7; Aisaia 5:21; Rom 11:20; 15:5    **12:17:** Mt 5:39, Ro 14:16, 2 Ko 8:21, 1 Te 5:15    **12:17:** Matyu 5:39; Rom 14:16; 2 Korin 8:21; 1 Tesalonika 5:15    **12:18:** Mk 9:50, Ro 14:19, Hi 12:14    **12:18:** Mak 9:50; Rom 14:19; Hibru 12:14    **12:19:** Lo 32:35, Snd 24:29, Mt 5:39, Ro 12:17, 13:4, 1 Te 1:6-7, Hi 10:30    **12:19:** Godin Araziba 32:35; Aghuzir Akaba 24:29; Matyu 5:39; Rom 12:17; 13:4; Hibru 10:30

daningam.” <sup>20</sup> Ni Godin Akinafarim mikemezi moghin damu, “Nin apanim, mitiriam an aghiti, ni daghem a daning. Egh kuarim an pirti, ni dipatam a daning. Nin arazir aghuir kamın a damighti, a uan arazir kuram ginighnigh bar aghumsigham.” <sup>21</sup> Ni arazir kuram ateghti, a ni gafighan marki. Ni arazir aghuim damuti, nin arazir kam arazir kuram abiragh a gafiragh.

## 13

### *E gavmanin apengan ikiam*

<sup>1</sup> Gumazamiziba bar gavmanbar apengan iki. E fo, gavmanin tam puram otozir puvati. Gavmanin ingangariba Godin dafarimram oto. Gavmanin aven itir gumazamizir dapaniba bar, God uabi me ariki. <sup>2</sup> Gumazitam o amizitam gavmanin gumazir dapanibar akam batoghiva, kamaghin a God uabi ingangarir kam damuasa misevezir gumazamizibar akaba batosi. Gumazamizir kamaghin amiba, me uari uan arazibar ivezir kuraba iniam. <sup>3</sup> Gavmanba gumazamizir arazir aghuibagh amiba atiatim me daningasa itir puvati. Gavmanba gumazamizir arazir kurabagh amiba atiatim me daningasa iti. Kamaghin amizi, ni gavmanin atiatingan koghsi, ni arazir aghuibar amuti, me nin ziam fam. <sup>4</sup> E fo, gavman a mati Godin ingangarir gumazim,

---

**12:20:** Kis 23:4-5, Snd 25:21-22, Mt 5:44    **12:20:** Ua Me Ini 23:4-5; Aghuzir Akaba 25:21-22; Matyu 5:44    **13:1:** Snd 8:15, Dan 2:21, Jo 19:11, Ta 3:1, 1 Pi 2:13    **13:1:** Aghuzir Akaba 8:15; Daniel 2:21; Jon 19:11; Taitus 3:1; 1 Pita 2:13    **13:3:** 1 Pi 2:13-14, 3:13    **13:3:** 1 Pita 2:13-14; 3:13    **13:4:** Ro 12:19, 1 Te 4:6    **13:4:** Rom 12:19; 1 Tesalonika 4:6

egha arazir aghuibar ian akurvaghasa ingari. Ia arazir kuram damigh gavmanin atiating. Ia fo, gumazamizibagh asighisighamin ingangarim ko gavgavim, gavmanin dafarimin iti, a puram aningın suirazir puvati. A Godin ingangarir gumazim, ia te arazir kuram damighti, a ian arazir kuramin ivezim ia daningam. <sup>5</sup> Kamaghın amizi, ia gavmanbar apengan iki. Ia gavmanin apengan ikian kogh, ivezir kuram iniam, kar guizbangira. Ezi ia uaghan kamaghın fogh, ia uan navir averiamin aven uan araziba deravira da tuisigh, arazir aghuibar gin mangi. Ia kamaghın damuva, gavmanbar apengan ikiam.

<sup>6</sup> Gavmanba Godin ingangarir gumazamizibar iki, zurara ingangarir God me ganingizim deragh a damu. Bizir kam bagh, ia uaghan takisin dagiaba isi me daningam. <sup>7</sup> Bizir tizir ia gavmanba daningamiba, ia me daning. Takisin dagiaba ko takisin igharazir maba sara, me daningiva, egh arazir aghuibar me damu, men ziaba fi.

*E gumazamizir igharaziba bar me gifuegham*

<sup>8</sup> Ia ikarvaghamin biziba, tam ikian marki, ia bar da gifagh. Eghti ikarvaghamin bizir mam zurara ikiam. A kamakin: e gumazamizir igharaziba bar me gifuegham. Tina gumazamizir igharaziba bar me gifonge, a guizbangira Moses Osirizir Arazibar gin zui. <sup>9</sup> E fo, Moses Osi-

**13:5:** Sav 8:2, 1 Pi 2:19      **13:5:** Fofozir Gumazim 8:2; 1 Pita 2:19

**13:6:** Matyu 22:21; Mak 12:17; Luk 20:25      **13:8:** Mt 22:39-40, Ga 5:14, Kl 3:14, Je 2:8      **13:8:** Matyu 22:39-40; Galesia 5:14; Kolosi 3:14; Jems 2:8      **13:9:** Kis 20:13-17, Wkp 19:18, Lo 5:17-21      **13:9:** Ua Me Ini 20:13-17; Ofa Gami 19:18; Godin Araziba 5:17-21

rizir Araziba kamaghin migei, "Ia gumazamiz-ibav soghti, me arimighiran marki. Ia okiman marki. Ia gumazamizir igharazibar biziba bagh naviba dikavan marki. Ia poroghamiba uari bakim uari ko dakuan marki." Moses Osirizir Arazir kaba ko maba sara uaghan iti, da bar moghira akar vamira an aven iti, akar kam kamakin: "Ni uabira uabi gifongezimoghin, gumazamizir igharazibagh ifongegh." <sup>10</sup> Ni gumazamizir igharazim gifongegh, arazir kuratamin a damighan kogham. Kamaghin amizi, gumazim igharaz darazigh ifongeghiva, a Moses Osirizir Araziba guizin dar gin zui.

*E angazangarimin aruir gumazamizibar min daruam*

<sup>11</sup> Dughiar e datirighin itim, ia a gifo, kamaghin amizi arazir ki ia mikemeziba ia dar amu. Kar dughiar ia daguraguim ategh dikavigh angamira ikiamim. Ia fo, fomira dughiar e nighnizir gavgavim Kraisin itim, ko God en akuraghamin dughiam, aning mong uaningin saghon iti. Ezi datirighin God en akurvaghamin dughiar kam a roghira ize. <sup>12</sup> Aminirbirim givasava amima, aminim tiasa. Kamaghin amizi, e mitatemin araziba bar da ateghiva angazangarimin aven misoghsi, midorozir biziba inigh dar aghuam. <sup>13</sup>

---

**13:10:** Mt 22:40, Ro 13:8, 1 Ko 13:4-7    **13:10:** Matyu 22:40; Rom 13:8; 1 Korin 13:4-7    **13:11:** 1 Ko 15:34, Ef 5:14, 1 Te 5:5-7    **13:11:** 1 Korin 15:34; Efesus 5:14; 1 Tesalonika 5:5-7    **13:12:** Ef 5:11, 6:11-13, Kl 3:8, 1 Te 5:5-6, 1 Jo 2:8    **13:12:** Efesus 5:11; 6:11-13; Kolosi 3:8; 1 Tesalonika 5:5-6; 1 Jon 2:8    **13:13:** Lu 21:34, Ef 5:18, Fl 4:8, 1 Te 4:12, Je 3:14, 1 Pi 2:12, 4:3

E angazangarimîn aruir gumamazizibar mîn deraghvîra daruam. E dipar onganibar amîva onganan kogh, egh pura gumamaziziba isi pamten dimîva ighiar kurabar arazibar amuan kogham. Egh gumaziba ko amiziba pura tintinibar uari ko dakuva, afiar arazibar amuan marki. Egh uari uariv soghîva, munavîn biziba bagh navim ikuvighîva da inisi navim isian marki. <sup>14</sup> Egh ia uan Ekiam Kraiſ Ieſus arugh, mati gumazim midorozir biziba aghui. Ia uan navir ghurimîn arazibagh niĝniĝhîva, navir ghurimîn ifongiam uam an ĝin mangan marki.

## 14

*Ia uan adarazir araziba tuiſiĝhan marki, egh suam, ian araziba ikufi*

<sup>1</sup> Gumazim niĝniſzir gavgavim Kraiſin ikia, an niĝniſzir gavgavim gavgavizir puvati, ia gumazir kam inigh aven iziti a ian tongin ikiam. Ia, an navir averiamîn aven itir niĝniſziba bagh, a ko uari adoghan marki. <sup>2</sup> Gumazir niĝniſzir gavgavim itim, a biziba bar ada api. Ezi gumazir niĝniſzir gavgavim mong gavgavizir puvatizim, an asiziba apir puvati.\* <sup>3</sup> Gumazir biziba bar da apim, gumazir asiziba apir puvatizim

**13:13:** Luk 21:34; Efesus 5:18; Filipai 4:8; 1 Tesalonika 4:12; Jems 3:14; 1 Pita 2:12; 4:3      **13:14:** Ga 3:27, 5:16, Kl 3:10, 1 Pi 2:11

**13:14:** Galesia 3:27; 5:16; Kolosi 3:10; 1 Pita 2:11      **14:1:** Ro 15:1, 15:7, 1 Ko 8:9-11, 9:22      **14:1:** Rom 15:1; 15:7; 1 Korin 8:9-11; 9:22

**14:1:** Kolosi 2:16      **14:2:** Stt 1:29, 9:3, Ro 14:14, 1 Ko 10:25, 1 Ti 4:4      **14:2:** Jenesis 1:29; 9:3; Rom 14:14; 1 Korin 10:25; 1 Timoti

4:4      \* **14:2:** Ia akar 1 Korin 8:1in itimîn gan.      **14:3:** Kl 2:16

**14:3:** Kolosi 2:16

girakirangin adarir nighnizibar a damuan marki. Eghti uaghan gumazir asiziba apir puvatizim, a fo, God a inizi a siosin aven ize, kamaghin, a gumazir biziba bar ada apimin arazibar gan da tuisighan marki egh suam, an araziba ikufi. <sup>4</sup> Ni tina, ni ghaze, ki ti gumazir igharazimin ingangarir gumazimin araziba tuisigham. Puvati. Bizir a tugh gavgavigham o a irighamim, kar an Gumazir Ekiamin bizim. Kamaghin amizi, Ekiam uabi a damighti, a guizbangira tugh gavgavigham.

<sup>5</sup> Gumazitam suam, dughiar mam dughiar mabagh afira. Eghti gumazir igharazim suam, dughiaba bar magh gari. Eghti gumazamiziba bar vaghvagh uari gifogh suam, nighnizir manam men nighnizimin dera. <sup>6</sup> Gumazir dughiar mam pirafim, an Ekiamin ziam fasa kamaghin ami. Ezi gumazir biziba bar ada apim, a dagheba bagha God minabava, tuavir kamın Ekiamin ziam fe. Gumazir asiziba apir puvatizim, a God minaba, Ekiamin ziam fasa nighnigha, dagher maba ataghirasi.

<sup>7</sup> E fo, en tongin itir gumazitam suam, nan ikirimirir angamira itim, a nan bizimra puvati. Eghti gumazitam suam, nan ovevem, uaghan nan bizimra puvati. <sup>8</sup> E angamira ikiva, Ekiam bagh ikiam. E aremeghiva, Ekiam bagh aremegham.

---

**14:4:** Mt 7:1, Je 4:11-12    **14:4:** Matyu 7:1; Jems 4:11-12    **14:5:** Ga 4:10    **14:5:** Galesia 4:10    **14:6:** 1 Ko 10:31, Ga 4:10, 1 Ti 4:3    **14:6:** 1 Korin 10:31; Galesia 4:10; 1 Timoti 4:3    **14:7:** 1 Ko 6:19-20, Ga 2:20, 1 Te 5:10, 1 Pi 4:2    **14:7:** 1 Korin 6:19-20; Galesia 2:20; 1 Tesalonika 5:10; 1 Pita 4:2    **14:8:** Lu 20:38, Ga 2:20, 1 Te 5:10    **14:8:** Luk 20:38; Galesia 2:20; 1 Tesalonika 5:10

Kamaghin amizi, e angamira iti, o e areme, e Ekiamin adarazira. <sup>9</sup> Bizir kamın mıngarım kamakın. Kraıs aremegha ua dikafi. Kamaghın an angamira itiba ko aremeziba bar moghıra men Ekiamın iti.

<sup>10</sup> E fo, e bar Godın kotiamın tuivighti, an en araziba tuisıgham. Kamaghın amizi, ni uabi, ni uan adarazir araziba tuisıghan kogh suam, men araziba ikufi. Ni uabi, ni uan adarazir girakırangın adarir nıghnızibar me damuan marki. <sup>11</sup> E fo, Godın Akınafarım kamaghın mıgei:

“Ki ian Ekiam, ki zurara ikivıra ikiam,  
kamaghın amizi ki guizbangıra ia mıgei,  
‘Nguazımın itir gumazamiziba bar moghıra  
nan guamın teviba apırigh,  
egh uan akabar nan gun mikim suam,  
ki guizbangıra God.’”

<sup>12</sup> Kamaghın amizi, e bar vaghvagh uan arazir amizibar gun Godın mikimam.

*Ni uan tav damuti, an arazir kuram damuan kogham*

<sup>13</sup> Kamaghın amizi, e gumazir ıgharazibar araziba ua da tuisıghan kogham. Egh ia nıghnızir ıgharazımın gın mangıva, uan adarazir amuti

**14:9:** Ap 10:36, 2 Ko 5:15      **14:9:** Aposel 10:36; 2 Korin 5:15

**14:10:** Mt 25:31-32, Ap 10:42, 17:31, 2 Ko 5:10      **14:10:** Matyu 25:31-32; Aposel 10:42; 17:31; 2 Korin 5:10      **14:11:** Ais 45:23, Fl 2:10-11

**14:11:** Aisaia 45:23; Filipai 2:10-11      **14:12:** Mt 12:36, Ga 6:5, 1 Pi 4:5      **14:12:** Matyu 12:36; Galesia 6:5; 1 Pita 4:5

**14:13:** 1 Ko 8:9, 8:13, 10:32      **14:13:** 1 Korin 8:9; 8:13; 10:32



me arazir kuram damu iran kogham. <sup>14</sup> Ki Ekiam Iesus ko poroghav iti, bizir kam nan nighnizim gamizi a bar kuiagherizi, ki guizbangira kamaghin fo, bizitam uabi Godin damazimin mizezir puvati. Eghti gumazitam suam, bizir manam an damazimin zuezir puvati. Eghti bizir kam an nighnizimin guizbangira bar mizeghti an a damuan marki. <sup>15</sup> Ni daghetam amiti, nin anav gan nighnigh suam, a Godin damazimin mize, eghti arazir kamın ni an nighnizim gasighasigham. Ni kamaghin damuva ni munav gifongezir arazimin gin mangan kogham. Krais munav bagha areme, ezi ni puram apir arazim a damuva a gasighasighan marki. <sup>16</sup> Egh ia kamaghin damuan marki, ia igharaz darazir amuti, me ian arazir aghuim mikim suam, ia arazir kuram gami. <sup>17</sup> E fo, God Bizibagh Ativir Arazim, a dagheba apir araziba o dipaba apir arazim puvati. A Godin damazimin derazir arazim ko, navir vamiran ikiamin arazim ko, bar akongezir arazim. Arazir aghuir kaba, da Godin Duamin aven otifi. <sup>18</sup> Tina tuavir kamın Kraisin ingangarim damigh, a God damuti, an a bagh bar akuegham. Egh a gumazamizibar amuti, me migirigiar aghuibar a mikimam.

<sup>19</sup> Kamaghin amizi, e zurara igharaz darasi

---

**14:14:** Ap 10:15, Ro 14:2, 14:20, 1 Ko 8:7-8, 1 Ti 4:4, Ta 1:15 **14:14:** Aposel 10:15; Rom 14:2; 14:20; 1 Korin 8:7-8; 1 Timoti 4:4; Taitus 1:15 **14:15:** 1 Ko 8:11-13 **14:15:** 1 Korin 8:11-13 **14:16:** Ta 2:5 **14:16:** Taitus 2:5 **14:17:** 1 Ko 8:8 **14:17:** 1 Korin 8:8 **14:18:** 2 Ko 8:21 **14:18:** 2 Korin 8:21 **14:19:** Ro 12:18, 15:2, 1 Ko 14:12, 1 Te 5:11 **14:19:** Rom 12:18; 15:2; 1 Korin 14:12; 1 Tesalonika 5:11

ko navir vamira ikiamin arazibar gin mangiva, arazir gumazamizir igharazibar amuti me tugh gavgavighamiba, dar gin mangi dar amuam. <sup>20</sup> Ni daghemra nighnigh, tuavir kamın God amizir arazibagh asighasighan marki. Guizbangira, dagheba bar, ada dera. Eghti ni daghetam amiti, bizir kam gumazir igharazim damighti, an arazir kuram damigh irighti, kamaghın ni arazir kuram gami. <sup>21</sup> Ni asizitam ko wainin dipatam amiva bizir igharazitam damighti, tuavir kamın da nin anav damighti a irigham. Ni kamaghın damuan marki. <sup>22</sup> Nin nighnizir gavgavir bizir kamın itim, a nin navimın iki. God nin nighnizim gifozi, ni gumazir igharazitamın mikiman marki. Gumazitam bizitam guizbangira, a ginighnizi, bizir kam derazi, an navim osemizir puvati, gumazir kam bar akongegham.† <sup>23</sup> Gumazitam asizitam o daghetam amiva, nighnizir pumuning ikiti, God a mikim suam, an arazir kuram gami. An amir arazir kam, nighnizir gavgavim gisın tuzir puvati, kamaghın osımtızim an iti. Guizbangira, e nighnizir gavgavim gisın tughan kogh arazir manam damuti, God suam, an arazir kuram.

## 15

### *E Kraisin nighnizim ko arazimın gin mangam*

<sup>1</sup> E gumazamizir nighnizir gavgavim itiba, gumazamizir gavgaviba puvatiziba, men osımtıziba

---

**14:20:** Mt 15:11, Ro 14:14-15, 1 Ko 8:9, 8:13, Ta 1:15      **14:20:** Matyu 15:11; Rom 14:14-15; 1 Korin 8:9; 8:13; Taitus 1:15      † **14:22:** Grighın akam vezın kamın deragha bigha mikemezir puvati.  
**14:23:** Ta 1:15      **14:23:** Taitus 1:15      **15:1:** Ro 14:1, Ga 6:1  
**15:1:** Rom 14:1; Galesia 6:1

ater men akurvaghham. E uarira uarir akurvaghshi nighnighan kogham. <sup>2</sup> E bar vaghvagh uan adarazi bagh pamten ingar men akurvaghham. E kamaghsua, men nighnizir gavgavim gavgavigh ikivira ikiam, kamaghin e men akurvaghham. <sup>3</sup> E fo, Krai uabi uabin akurvaghsha nighnizir puvati. Godin Akinafarimin arazir a batozimin osizirim kamakin, "Akar kurar gumazamiziba ni gasiba, da uaghan na gire." <sup>4</sup> Godin migirigiar me fomira Godin Akinafarimin osiriziba, da bar en sure damuasa me ada osiri. Migirigiar kam e damuti, e nimira iki, osimtiziba ateriva tugh gavgavigh God e daningamin bizir aghuiba bagh mizuamam. <sup>5</sup> Datirighin ki ia bagha God ko migia ghaze, God uabi e gamima, e nimira ikia osimtiziba atera tugh gavgafi. Egh a ia damuti, ia Krai Iesus amizir arazibar gin mangi, egh tuavir kamin ia igharaz darazi ko navir vamira ikiam. <sup>6</sup> Kamaghin amizi ki ia bagh Godin azangsighti, ia navir vamira ikiva bar moghira uari inigh Godin ziam fam, an en Ekiam Krai Iesusin Afeziam.

*Krai, Judaba ko Kantrin Igharazibar Gumazamiziba uaghan, bar men akura*

<sup>7</sup> Kamaghin amizi, gumazamiziba Godin ziam

---

**15:2:** Ro 14:19, 1 Ko 9:19, 9:22, 10:24, 10:33, 13:5, Fl 2:4-5    **15:2:** Rom 14:19; 1 Korin 9:19; 9:22; 10:24; 10:33; 13:5; Filipai 2:4-5

**15:3:** Sng 69:9, Mt 26:39, Jo 5:30, 6:38    **15:3:** Onger Akaba 69:9; Matyu 26:39; Jon 5:30; 6:38    **15:4:** Ro 4:23-24, 1 Ko 9:9-10,

10:11, 2 Ti 3:16-17    **15:4:** Rom 4:23-24; 1 Korin 9:9-10; 10:11; 2

Timoti 3:16-17    **15:5:** Ro 12:16, 1 Ko 1:10, 9:9-10, Fl 3:16    **15:5:**

Rom 12:16; 1 Korin 1:10; Filipai 3:16    **15:6:** Ap 4:24, 4:32    **15:6:**

Aposel 4:24; 4:32    **15:7:** Ro 5:2, 14:1-3    **15:7:** Rom 5:2; 14:1-3

fisi, ia Kraisin adarazi ia uarira uari inigh bar akongegh. Krai ia inigha aven izezi moghin, ia igharaz darazi inigh aven izi bar akongegh. <sup>8</sup> Ki ia migei, Krai Judabar ingangarir gumazimin oto. An arazir kam kamaghin aka, God mikemezir akaba da bar guizbangira. Da kamakin, God en ovaviba ko amizir akar dikiriziba, da guizbangira otivigham. <sup>9</sup> Krai uaghan kamaghsua, a Kantrin Igharazibar Gumamazizibar amighti, me Godin apangkuvim bagh an ziam fam. Godin Akinafarim bizir kam kamaghin a migei:

“Kamaghin amizi, ki Kantrin Igharazibar Gumamazizibar tongin ikiva ni minamam.  
Egh ki nin ziam fiva ighiabar amuam.”

<sup>10</sup> Egha Godin Akinafarim migirigiar igharazim uaghan iti:

“Ia Kantrin Igharazibar Gumamaziziba,  
ia Godin gumamaziziba Israelia,  
ia me ko iki bar akongegh.”

<sup>11</sup> Ezi migirigiar mam uaghan kamaghin migei:

“Ia Kantrin Igharazibar Gumamaziziba bar,  
ia Ekiamin ziam fi!  
Egh nguazimin itir anababa,

---

**15:8:** Mt 15:24-25, Ap 3:25-26, 2 Ko 1:20    **15:8:** Matyu 15:24-25; Aposel 3:25-26; 2 Korin 1:20    **15:9:** 2 Sml 22:50, Sng 18:49, Jo 10:16, Ap 3:25, Ro 9:23, 11:30    **15:9:** 2 Samuel 22:50; Onger Akaba 18:49; Jon 10:16; Aposel 3:25; Rom 9:23; 11:30    **15:10:** Lo 32:43  
**15:10:** Godin Araziba 32:43    **15:11:** Sng 117:1    **15:11:** Onger Akaba 117:1

ia bar an ighiabar amu!”

<sup>12</sup> Ezi Aisaia uaghan kamaghin mikeme:

“Atrivir igiam, Jesin ovavir boribar tongin otogh,  
mati temer ghuzir igiam, temer dakar kamın  
oto.

God gumazir kam amiseveghti,  
an atrivimin otogh iziva

Kantrin Igharazibar Gumamazibar  
ganam.

Egh a me damuti,

me bizir aghuir a me daningamiba bagh  
mizuam ikiam.”

<sup>13</sup> Ki ia bagha God ko migei, Godra, a ian akuraghti, ia bizir aghuir gin izamiba bagh mizuamam. God kamaghsua, an Duamin gavgavimin, a ia damuti, ian arazir gin izamin bizir aghuiba bagha mizuaim, an aghung mangi bar ekevegham. Kamaghin amizi, God ian nighnizir gavgavir an itimin tuavimin, a ia damuti, navir amirizim ko bar akongezir arazim, bar ia gizivagham.

**Pol uabi uan ingangarim geghara,  
uan akam isa  
uan namakaba bagha anemadi**  
*(Sapta 15:14--16:27)*

*Pol uan ingangarim bagha bar akonge*

---

**15:12:** Ais 11:1, 11:10, MAA 5:5, 22:16    **15:12:** Aisaia 11:1; 11:10;  
Akar Mogomem 5:5; 22:16    **15:13:** Ro 12:12, 14:17    **15:13:** Rom  
12:12; 14:17

14 Nan adarasi, ki uan navimin aven ki nighnizir gavgavim ikia kamaghin fo, ia zurara arazir aghuibagh ami. Egha fofozir guar aviriba iti. Kamaghin ia vaghvagh nighnizir aghuiba uarira uari daningam. 15-16 Ezi ki akinafarir kamın aven akar mabagh nighnigha, kamaghin ian nighniziba dikavasa ia bagha mong akar gavgaviba osiri. Ki fo, God nan apangkuvigha na misevezi, ki Krai Iesusin ingangarir gumazimin ikiava, Kantrin Igharazibar Gumamaziziba bagha ingari. God kamaghin ifonge, Kantrin Igharazibar Gumamaziziba, me ofan min iki a damuti a me bagh bar akongegham. Eghti Godin Duam me damighti, me God baghvira ikiam. Kamaghin amizi, nan ingangarim kamaghin iti, ki ofa gamir gumazimin min ingara Godin Akar Aghuim me mikiri.

17 Ki Krai Iesus ko porogha ingangarim gami, kamaghin amizi ingangarir ki God bagha amir kam, ki a bagha bar akonge. 18-19 Ki bizir igharazibar gun mikiman kogham, bizir vamiran kam ki an gun mikimasa: Ki Krai ko ingarima Krai na bagha tuaviba arizima, ki Kantrin Igharazibar Gumamaziziba an gin mangasa men sure gami. A nan aven ingarima, migirigiar ki me migeiba ko arazir ki amiziba, ko mirakelin gavgaviba ko arazarazir ki amiziba, me dar garima da me gamima me Godin gin zui. Bizir otozir kaba, Godin Duamin gavgavimin ki a dagh amima da otifi. Kamaghin amizi, ki Jerusalemın ikegha Kraisin Akar

---

**15:14:** 1 Ko 8:1, 8:7, 8:10, 2 Pi 1:12, 1 Jo 2:21    **15:14:** 1 Korin 8:1; 8:7; 8:10; 2 Pita 1:12; 1 Jon 2:21    **15:15-16:** Rom 1:5; 11:13; 12:3; Galesia 2:7-9; Filipai 2:17    **15:18-19:** Ap 19:18, 2 Ko 3:5, 12:12  
**15:18-19:** Aposel 19:11; 2 Korin 3:5; 12:12

Aghuim bar anakura ghua Ilirikumın Provinsın oto. <sup>20</sup> Nan ifongiam kamakın: ki Kraisin Akar Aghuim danganir gumaziba oraghizir puvatizibar anakunasa bar ifonge. Ki kamaghın aghua, me suam, Pol gumazir igharazim kunizir dipenir akinibagh isin dipenimin ingari. <sup>21</sup> Godın Akınafarim mikemezi moghın ki damuasa:

“Gumazamizir an eghaghaniba faragha da baraghizir puvatiziba,  
datirighın da baragham.  
Gumazamizir faragha an migirigiaba baraghizir puvatiziba,  
datirighın dagh fogham.”

*Pol Romın itir Kraisin adarazir ganigh, Spenin Kantrin mangam*

<sup>22</sup> Dughiar aviriba, ki ia bagha izasava amima, ingangarir kam nan suirazi, kamaghın ki izezir puvati. <sup>23</sup> Egha datirighın ki nguibar kabar ingangariba puvati. Ki azenir aviribar ian ganasa ifonge, <sup>24</sup> kamaghın amizi, ki datirighın izasa. Ki ghaze, ki kagh dikavigh Spenin Kantrin mangisi mangi, Spenin darorim ategh ia ko tong ikeghiva, gin Spenin mangam. Ki ian gan, egh tong ia ko ikisi bar akuegham. Eghti ia tuavimin ivezim nan akuraghti, ki Spenin mangam.

<sup>25</sup> Ki datirighın Godın adarazi bagh akurvazitam inigh Jerusalem Nguibar Ekiamın mangam.

---

**15:20:** 2 Ko 10:15-16    **15:20:** 2 Korin 10:15-16    **15:21:** Ais 53:15    **15:21:** Aisaia 52:15    **15:22:** Ro 1:13    **15:22:** Rom 1:13    **15:24:** 1 Ko 16:6    **15:24:** 1 Korin 16:6    **15:25:** Ap 19:21, 20:22, 24:17    **15:25:** Aposel 19:21; 20:22; 24:17    **15:25:** 1 Korin 16:1-4

<sup>26</sup> Ia fo, Jerusalemın itir Godın adarasi, men tongın itir gumazamizir maba biziba bar pu-  
vati. Kamaghın amizi, Masedonia ko Akaiian  
Provinsın itir siosba me bagha dagıaba arıghasa  
bar ifuegha akam misoke. <sup>27</sup> Me uan ifongiamra  
an gın ghua kamaghın ami. Kar guizbangıra,  
Kantrin Igharazibar Gumazamiziba, me Israelın  
gumazamizir onganarazibar akurvaghamin in-  
gangarim iti. Guizbangıra, Israelia fomıra Godın  
bizir aghuir avırıba isa Kantrin Igharazibar Gu-  
mazamizibagh anigha men duabar akura. Kam-  
aghın amizi, Kantrin Igharazibar Gumazamiziba  
ikarvaghamin bizim iti, me nguazir kamın bizir  
aghuiba isi Israelia danıngıva me ikarvaghın.

<sup>28</sup> Kı faragh dagıar kaba bar a da inigh  
Jerusalemın mangamin ingangarim agıvaghıva,  
gın Spenın mangısı izi ian ganigh, mangam. <sup>29</sup> Kı  
fo, kı izi ia bativamin dughiam, Krais bizir aghuir  
bar aviribar en tongın dar amuam.

<sup>30</sup> Nan adarasi, en nıghnızir gavgavir Ekiam  
Krais Iesusın itim ko, Godın Duam e ganidir  
igharaz darazigh ifongezir arazim, kı bizir kamn-  
ing gınıghnıgha kamaghın ia gakaghori, ia na  
ko porogh pamtem God ko mikim na bagh an  
azangsıgh. <sup>31</sup> Egh kamaghın mikim, Judian itir  
nıghnızir gavgavim puvatıziba na gasıghasıghan  
kogham. Eghtı Jerusalemın itir Kraisın adarazi

---

**15:26:** Ap 24:17, 2 Ko 8:1, 9:2, 9:12    **15:26:** 2 Korin 8:1; 9:2; 9:12  
**15:27:** Ro 9:4, 11:17, 1 Ko 9:11, Ga 6:6    **15:27:** Rom 9:4; 11:17;  
1 Korin 9:11; Galesia 6:6    **15:29:** Ro 1:11    **15:29:** Rom 1:11  
**15:30:** 2 Ko 1:11, Fl 2:1, Kl 4:3, 4:12, 2 Te 3:1    **15:30:** 2 Korin  
1:11; Filipai 2:1; Kolosi 4:3; 4:12; 2 Tesalonika 3:1



nan ingangarir ki me bagha amim bagh bar akuegham. <sup>32</sup> Kamaghin God ifueghtima, ki ia bagh izisi nan navir averiam bar akuegham. Egh ia ko avughsi ua uan gavgavim inisi, egh bar akuegham. <sup>33</sup> Ki kamaghin Godin azai, Godin navir amirizim ko dabirabir aghuim anidim, bar moghira ia ko iki. Guizbangira.

## 16

*Pol gumazamizir aviriba bagha akam amaga ghaze, Afeziam ia ko iki*

<sup>1</sup> Ki ghaze, ia kamaghin fogh, Fibi en buaramizim, an amizir bar aghuim. Ia deragh a damu. An ingangarim kamakin, a Senkrian nguibar ekiamin itir siosin ingangarir amizim. <sup>2</sup> Ki kamaghsua, ia Ekiam ginighnigh Fibi inighti a ia ko iki. Kar arazir aghuir e Godin gumazamiziba damuamim. Egh a bizitizim puvatighti ia an akuragh. Guizbangira, a gumazamizir aviribar akurvagha egha uaghan nan akura.

<sup>3</sup> Ezi ki uan akam isa Prisila ko Akwila bagha anemaga ghaze, Afeziam aning ko iki. Aning na ko Krai Iesusin ingangarim gami. <sup>4</sup> Aning nan akurvagha na bangin oveghai. Kamaghin, ki uabira puviram aning minabi. Ezi Kantrin Igharazibar Gumazamizibar siosba uaghan aning minabi.

<sup>5</sup> Egha ki uan akam isa aningin dipenimin uari akuvir sios bagha anemaga ghaze, Afeziam vaghvagh me ko iki.

---

**16:3:** Ap 18:2, 18:18, 18:26, 2 Ti 4:19    **16:3:** Aposel 18:2; 18:18; 18:26; 2 Timoti 4:19    **16:5:** 1 Ko 16:15, 16:19, Kl 4:15, 2 Ti 1:15, Fm 2    **16:5:** 1 Korin 16:15; 16:19; Kolosi 4:15; 2 Timoti 1:15; Filemon 1:2

Egha kî uan akam isa nan namakam Epainetus bagh anemaga ghaze, Afeziam a ko iki. A Esian Provinsin itir gumazamiziba bar men faraghavîra niĝhnîzir gavgavim Kraisin iti.

<sup>6</sup> Egha kî uan akam isa Maria bagha anemaga ghaze, Afeziam a ko iki. A ian akuraghasa pamten ingari.

<sup>7</sup> Egha kî uan akam isa Andronikus ko Junia bagha anemaga ghaze, Afeziam aning ko iki. Gumazir kam ko amizir kam, aning e Judan ikîzir vamîra, egha na ko kalabusin ike. Aning Kraisin aposelbar tongin ziar ekiamning itima, me bar aning gifo. Ezi aning nan faragha ghua Krais gifo.

<sup>8</sup> Egha kî uan akam isa Ampliatus bagha anemaga ghaze, Afeziam a ko iki. Ga uaghara Ekiam ko porogha kamaghin ga namakar aghuimningin min iti.

<sup>9</sup> Egha kî uan akam isa Urbanus bagha anemaga ghaze, Afeziam a ko iki. An e ko Kraisin ingangarir gumazim. Egha Stakis uaghan, kî a bagha akam amaga ghaze, Afeziam a ko iki. A uaghan nan namakar aghuim.

<sup>10</sup> Egha kî uan akam isa Apeles bagha anemaga ghaze, Afeziam a ko iki. A Kraisin gin zuima osimtîziba a bativima, an niĝhnîzir gavgavim Kraisin ikiavîra iti, ezi bizir kam bagha a ziam iti. Egha kî uan akam isa Aristobulusin dipenimin itir darazi bagha anemaga ghaze, Afeziam me ko iki.

<sup>11</sup> Egha kî uan akam isa Herodion bagha anemaga ghaze, Afeziam a ko iki. Ga Judan ikîzir vamîra. Egha kî uaghan uan akam isa Narsisusin

dipenimin aven itir Ekiamin adarazi bagha ghaze, Afeziam me ko iki.

<sup>12</sup> Egha ki uan akam isa Trifina ko Trifosa bagha anemaga ghaze, Afeziam aning ko iki. Aning Ekiam bagha pamten ingari. Egha uaghan uan akam isa nan roroam Persis bagha anemaga ghaze, Afeziam a ko iki. A uaghan Ekiam bagha pamten ingari.

<sup>13</sup> Egha uaghan akam isa Rufus bagha anemaga ghaze, Afeziam a ko iki. A gumazir bar deragha Ekiamin gin zuim. An amebam uaghan, ki a bagha akar aghuim amadi. A guizbangira uan borimin min deravira na gami.

<sup>14</sup> Egha ki uan akam isa Asinkritus ko Flegon ko Hermes, ko Patrobas, ko Hermas, ko nighnizir gavgavim Ekiamin ikia me ko itiba bar, me bagh akam amaga ghaze, Afeziam bar me ko iki.

<sup>15</sup> Egha ki uan akam isa Filologus ko Julia, ko Nereus uan buaramizim sara, ko Olimpas, ko Godin gumazamizir me ko uari akuviba bar, me bagh akam amaga ghaze, Afeziam bar me ko iki.

<sup>16</sup> Ia Kraisin adarasi, e uan arazimin gin mangiva, ia uan adarazir dafaribar suigh. Ezi Kraisin siosba bar, uan akaba isa ia bagha da amaga ghaze, Afeziam ia ko iki.

### *Ia gumazir ia abiziba bagh deragh gan*

---

**16:13:** Mk 15:21    **16:13:** Mak 15:21    **16:16:** 1 Ko 16:20, 1 Pi 5:14    **16:16:** 1 Korin 16:20; 1 Pita 5:14

17 Nan adarasi, ki akar gavgavim ia mikimasa, Ia gumazir ia abiziba bagh deraghvira gan. Gumazir kaba, ian marazir nighnizir gavgavibagh asighasighava, suren akar ia inizibar apanim gami. Kamaghin amizi, ia men saghon iki. 18 Me en Ekiam Kraisi Iesusin ingangarim gamir pu. Puvati. Me uan inivafizim ifongezir arazibar gin zui. Me migirigiar aghuiba ko migirigiar navibagh inivibagh amuava, gumazamizir arazir kurabagh ifozir puvatiziba me gifara, men nighnizibagh amima, me okam nighnisi. 19 Gumazamiziba bar kamaghin oraki, ia Akar Aghuim inigha deravira an gin zui. Kamaghin amizi, ki ia bagha bar akonge. Ki kamaghin ifonge, ia arazir aghuiba bar adagh fogh, egh arazir kurabar amuamin fofoziba puvatigham. 20 Dughiar bar otevimin, Godin navir amirizim ko dabirabir aghuarim anidim, a Satanin gavgavim gasighasighiva ian amamangatighti, ia Satan dikaraghtima, a ian dagaribar apengan ikiam. En Ekiam Kraisi Iesusin apanguvim ia ko iki.

*Gumazir maba uan akaba isa Romin itir gumazamiziba bagha da amadi*

21 Timoti, na ko ingarir gumazim, a uan akam

---

**16:17:** Mt 7:15, Ap 15:1, 15:5, 1 Ko 5:9-11, 2 Ti 3:5, Ta 3:10, 2 Jo 10

**16:17:** Matyu 7:15; Aposel 15:1; 15:5; 1 Korin 5:9-11; 2 Timoti 3:5; Taitus 3:10; 2 Jon 1:10

**16:18:** Fl 3:19, Kl 2:4, 1 Ti 6:5, Ta 1:10, 2 Pi 2:3

**16:18:** Filipai 3:19; Kolosi 2:4; 1 Timoti 6:5; Taitus 1:10; 2 Pita 2:3

**16:19:** Mt 10:16, Ro 1:8, 1 Ko 14:20

**16:19:** Matyu 10:16; Rom 1:8; 1 Korin 14:20

**16:20:** Stt 3:15, Ro 15:33, 1 Ko 16:23, 1 Te 5:28, MAA 22:21

**16:20:** Jenesis 3:15; Rom 15:33; 1 Korin 16:23; 1 Tesalonika 5:28; Akar Mogomem 22:21

**16:21:** Ap 16:1, 19:22, 20:4

**16:21:** Aposel 16:1; 19:22; 20:4

isa ia bagha anemaga ghaze, Afeziam ia ko iki. Ezi Lusius ko, Jason ko, Sosipater, me na ko e ikizir vamira, me uaghan ia bagha akam amadi.

<sup>22</sup> Ki Tertius, ki uaghan uan akam isa ia bagha Ekiamin ziamin anemadi. Ki Polin akaba inigha ia bagha akinafarir kamın da osiri. <sup>23-24</sup> Ezi Gaius uan akam isa, ia bagha anemaga ghaze, Afeziam ia ko iki. Ki Pol ki Gaiusin dipenimin aven itima, a bar deragha na gami. Ezi Siosin mam uaghan Gaiusin dipenimin aven uari akufi. Ezi Erastus nguibar kamın Gavmanın dagiabar garir gumazim, ko en mav Kuartus, aning uan akam isa ia bagha anemadi.\*

### *E Godin ziam fam!*

<sup>25-26</sup> E Godin ziam fam! God gavgavir ekiam ikia, kamaghın a ia damuti ia nighnizir gavgavimin suiragh gavgavigham! Bizir kam, ki an akar aghuim akura, bizir kam uaghan a miği. Akar Aghuir ki akurim, a Kraıs İesusın Akar Aghuim, a guizin akar mogomem, bar fomira azenir aviribar modogha iza, datirighın azenim giri. Guizin akar mogomer kam, Godin akam inigha izir gumazibar osiziriba, da gumazamizibagh amizi, me akar mogomer kam gifo. Godin ovengan koghamim, Akar Gavgavimin kamaghın miğia ghaze, akar mogomer kaba azenim giriti, Kantrin Igharazibar

---

**16:23-24:** Ap 19:29, 1 Ko 1:14, 2 Ti 4:20    **16:23-24:** Aposel 19:29; 1 Korin 1:14; 2 Timoti 4:20    \* **16:23-24:** Fofozir gumazir maba uaghan ghaze, akar otevir mam uaghan vezin kamın iti. Akar kam kamakin. En Ekiam Kraıs İesusın apangkuvim zurazurara ia ko iki. Guizbangira.    **16:25-26:** Rom 1:5; Efesus 1:9; 3:5; 3:9; 3:20; Kolosi 1:26-27; 1 Tesalonika 3:13

Gumamaziziba bar dagh foghiva, nighnizir gav-gavim Kraisin iki kamaghin an gin mangam. <sup>27</sup> Ezi ki kamaghin ifonge, Krai Iesus e damuti, e Godin ziam fam. Anarira a God, egha a uabira fofoziba bar iti. Kamaghin amizi, e zurara an ziam fi mamaghira ikiam. Guizbangira!

**Godin Eghaghanim: Akar Gavgavir Dikirizir  
Ghurim ko Igiam**

**The Holy Bible in the Aruamu language of Madang  
Province, Papua New Guinea, 2020 Edition**

**Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 21 Feb 2024 from source files dated 29 Jan 2022

8f6beb37-6783-55d5-91ed-8321cc3f5eea